

山西通志

册九十三

84

山西通志卷第八十五

山西巡撫都察院右副都御史臣覺羅石麟奉

旨修輯

名宦



統轄

明

徐達字天德濠人洪武元年拜大將軍命趨山西襲擴廓營

盡降其軍遂克太原乘勢收大同會馮勝軍破賀宗哲於

石州山西盡平五年復出中道達封魏國公官太傅中書

右丞相叅軍國事十八年卒追封中山王謚武寧

傅友德宿州人洪武元年略大同還下正保從攻山西擴廓

自保安來援萬騎突至友德以五十騎衝却之因夜襲其



營擴廓倉皇遁去追至天門關獲其士馬萬計復敗賀宗
哲於石州後封穎國公二十四年出練兵山陝總屯田事
二十五年練軍山西二十七年被害後追封麗江王謚武
靖

曹良臣安豐人爲行省左丞洪武元年略地至澤潞晉山西
行省平章三年封宣寧侯五年戰沒於阿魯渾河贈安國
公謚忠壯

何真字邦佐東筦人少英偉好書劍元末據廣東爲行省左
丞明洪武元年來附真喜儒術讀書綴文爲山西右布政
使尋封東筦伯卒

熊鼎字伯穎臨川人元末舉於鄉鄧愈薦之留幕府洪武時
爲晉王府右傅坐累左遷大同衛知事復授晉王府參軍

八年改岐寧衛經歷朶兒只叛罵賊被殺立祠

張孟兼浦江人與修元史劉基嘗爲太祖言今天下文章宋
濂第一其次卽臣基又次卽孟兼用爲山西僉事廉勁疾
惡糾摘奸猾吏民間張僉事行部凜然墮膽聲聞於朝擢
山東副使抗布政使僧吳印被害

龍鐔字德剛江西萬載人洪武十三年貢爲國子生授浙江
按察司副使降長洲知縣陞晉府長史建文中靖難師起
朝廷徵兵於晉鐔以大義力主發兵靖難後詔械鐔至不
屈死之

彭通字萬里南海人洪武中累官山西布政司叅政通由儒
士任給事中轉御史奉命巡東郡用事者遺以金辭不受
及涖叅政河東運司匿羨餘廉得之寘于法有吳印者故

山西通志 卷八十五
五臺寺僧也。以才辨受知，爲陝西方面官。家人橫肆，偶以事干通通，直其罪斥辱之。條其事以聞，尋以年老致仕。通爲人恭謹外柔而內剛，雅善詩，爲太祖所稱。太祖嘗爲贊善大夫，宋濂賦醉學士歌通賡和焉。

韓宜可字伯時，浙江山陰人。洪武時爲監察御史，號剛直。罷歸，已復徵，至特授山西右布政使。以事安置安南，建文時拜副都御史，卒。是夜大星隕，樞馬皆驚嘶，人謂宜可當之云。

王彰，鄭州人。洪武間布政司左叅政，廉直無私，官吏咸服。呂震字克聲，臨潼舉人。洪武間按察司僉事，明敏有爲，聲譽大振。永樂中歷官禮部尚書，凡郊廟祀祭，燕享賜賚，朝覲會同之事，皆裁定其手。歷事仁宣，咸蒙委任，尤善推誠薦

士，士由震出者皆爲顯官。

徐讓，布政司理問，材氣磊落，有口辨。建文時應募齎書物至北平，議和解兵，受而不荅，還授衛鎮撫軍前差遣，戰歿。

華克勤，洪武間左布政使，有政聲，屢蒙勅獎諭。

王敬先，偃師人，博通經史，工文辭。洪武間以賢良舉授山西布政司左叅議。

宋文祥，符人性資醇厚，學行兼備。洪武中以隱士薦送京師，授山西按察司副使，廉能稱著，風紀肅然。

宋禮，永寧人。洪武間按察司僉事，持法嚴明，人莫敢犯。陞陝西布政使，後遷工部尚書。

周幹，劉陽人。洪武間貢入太學，授山西布政司照磨，廉慎有爲，大著才名。永樂中歷陞浙江布政使，有惠政及民。

山西通志 卷八十五
樊鎮考城人初授御史振揚風紀有能聲洪武間任山西副使永樂中擢湖廣右叅政調山西宣德間陞右布政使所至廉幹勤敏大得時譽

章敞字尙文會稽人永樂二年進士授刑部主事山西盜發捕數百人敞察其寃留詞色異者一人餘悉遣出與之期旦日至如約復訊之留者盜餘非也宣德中仕至禮部左侍郎卒

鄭辰字文樞浙江西安人永樂四年進士十六年繇御史超遷山西按察使糾治貪濁不少貸潞州盜起有司以叛聞詔發兵討捕辰方以事朝京師奏曰民苦徭役而已請無發兵上然之還則屏騶從親入山谷撫諭盜皆感泣復爲良民禮部侍郎蔚綬轉粟給山海軍辰統山西民輦任民

勞多逋耗綬令卽山海貸償之辰曰山西民貧而悍急之恐生變不如緩之使自通有無用其言卒無逋者內艱歸軍民詣御史乞留御史以聞服闋還舊任宣德三年召爲南京工部右侍郎初命舉方面官堪內任者蹇義以九人薦上素聞辰名卽真授餘多試職正統時嘗與豐城侯李彬轉餉大同歸卒辰重義輕利與山西同僚杜僉事有遺言杜卒爲治喪資遣其妻子

徐永達字志道歸德人洪武丙子舉人宣德中以湖廣按察使改授山西時永達方居憂詔奪情特賜璽書遣之永達干弱冠登鄉榜由教諭游歷翰林侍經筵爲輔導官尋遷鴻臚少卿皆稱職及涖山西劾治苛暴擒捕奸貪雖強禦不避威望大著嘗持節王國所與鞍馬金幣襲衣悉辭不受

山西通志 卷八十五 名宦 四
奉使交趾所贈貨寶值千金絲毫無所取比卒不能具棺
故所至能樹風節云 山西通志 卷八十五 名宦 四
于謙字廷益錢塘人永樂十九年進士爲御史宣德中上知
謙才可大任手書謙名授吏部遂超遷兵部右侍郎巡撫
谷河南山西年僅三十三謙感上知徧歷諸州縣察時所急
事所宜興革卽具草言之一歲章數上三楊在政府皆重
謙奏朝上夕報可英宗立奏免山陵役夫萬七千人正統
初數上便宜事遇水旱輒立奏六年疏言今河南山西積
穀各數百萬計臣欲於每歲三月令府州縣申報缺食下
戶隨分支給先菽秫次黍麥次稻俟秋成償官而免其老
疾及貧不能償者府州縣吏秩滿當遷卽預備糧備未足
不聽離任仍令風憲官以時稽察詔可自是儲待充溢境

內數千里民無水旱憂又以大同懸塞外請別設御史治
之而盡奪其鎮將之役卒私墾者爲官屯邊用亦溢在官
九歲遷左侍郎食二品俸謙每議事京師空行無所齎權
要多憾之通政司李錫阿中官王振指劾以久不遷怨望
遂下法司論斬繫獄三月山西河南吏民伏闕上書請留
謙者以千數周晉諸王亦言之乃赦謙以大理少卿復往
巡撫謙前後在任十九年兩丁內外艱詔皆許歸治喪旋
起復至正統十三年以兵部左侍郎召明年遂有土木之
變役晉兵部尚書功在社稷天順元年正月丁亥棄市陰霾
四合朝野冤之成化初復官弘治初加贈特進光祿大夫
喬柱國太傅謚肅愍萬曆中改謚忠肅
蕭伯剛邠州人永樂末舉人歷任山西僉事能振揚風紀致

蕭仕歸 沁州人 永樂末舉人 選日山西 僉事 趙思 風 欽 喬誠朝邑人 太學生 歷官 勤能 陞山西左叅政 處心忠信 措事寬平 人稱爲長者

蔡彬武邑人 永樂中由太學生 歷任 勤能 陞山西左叅議 有惠政及民

趙紳歷城人 舉人 永樂間授御史 激揚有聲 以劾尙書金連出爲揚州同知 陞山西叅議 卓然有聲 轉江西 以老疾致仕 朝廷念其廉介 賜半俸養老

周道朝邑人 永樂間舉人 山西僉事 有惠政 卒於官 喪出遮道 哭奠三日 不得行

王琦字文進 浙江仁和人 永樂中舉人 授汝州學正 正身範物 生徒爭自濯磨 正統中陞山西按察僉事 提督學校 士

風丕變 以母憂去 起復四川兵備道 時蜀盜甚熾 琦捧檄星馳 盜聞風解息 蜀競異之 尋乞致仕 卒

張鄜汶上人 永樂間解元 任教諭 陞山西按察司經歷 承檄執妖賊 勦敵屢立奇功 陞德慶州知州 母卒 廬於墓側 詔旌其門 累官鳳陽知府

張政廣德人 洪熙間以御史巡按山西 明年復命 陞本省按察使 賜鈔二千緡 馳驛赴任 政暇以經學授士子 士子多

宋所拔擢 晉人舉 黃常祖字邦經 世居閩之涵江 永樂壬辰進士 歷官部曹 有聲後薦陞山西布政使 司左叅議 并晉地瘠民貧 值歲凶 多流亡 常祖奏乞招徠 聽免徭役 三年悉復業 平陽界上有盜聚千人 爲害常祖 推誠諭之 不旬日皆降附 正統十

年致仕歸人爲害常賦耕婦備之不以日嘗判州五縣上
劉珏字廷侯長洲人宣德時以應天鄉薦授刑部主事遷山
西按察僉事提督屯田操履清白人不得以私干之性孝
黃友工詩年五十乞致仕著有完菴集
朱鑑字用明晉江人舉鄉試宣德中用薦爲山西左叅政居
數年晉右布政司郟王監國就擢左副都御史巡撫其地
兼上言宜重將帥事權悉罷監軍中貴整散兵募勇士重懸
賞格鼓勵義旅上嘉納之時寇窺塞下鑑日夜爲守禦計
修築各州縣及沿邊城堡聚置騎甲計萬餘召募壯勇萬
七千人旣而移鎮雁門寇引去三年侍郎鄒幹黜陟山西
多所論劾鑑請召幹還論鑑狗護召還院致仕卒
方政全椒人襲濟陽衛千戶宣德十年爲大同總兵官中官

郭敬誣政專擅楊士奇等言政勤廉公正善撫士敬貪縱
其言誣也乃降勅責敬秋劾副總兵曹儉罪奪其職正統
元年上言征調軍士應支口糧行糧者不當減其月糧軍
餘墾地已許免稅不當復徵屯田歉收請量蠲免詔竝允
行晉右都督四年討麓川力戰死贈威遠伯謚忠毅
朱冕沂州人榮之子也嗣武進伯宣德中以晉王濟熿新廢
命鎮山西正統四年佩征西將軍印充總兵官鎮大同九
年出塞捕寇十四年北征戰于陽和死之謚忠愍

白圭字宗玉南宮人正統七年進士除御史巡按山西辨疑
獄百餘部檄朔州課鈔益三之二圭疏爭復三十取一之
舊從駕土木脫還景帝命往澤州募兵後仕至兵部尙書
卒贈少傅謚恭敏

山西通志 卷八十五
左鼎字周器永新人正統七年進士巡按山西英宗北狩悉心畫戰守時兵荒洊臻請蠲太原諸府稅糧停大同轉餉夫以蘇其困也先請和抗言不可引宋景德靖康事爲鑒白鼎善草章奏京師語曰左鼎手練綱口後爲左僉都御史卒出塞

陳泰字吉亨光澤人舉鄉試第一正統時爲御史巡按山西未乞量增羣臣祿廩格不行泰素勵操行三爲巡按懲奸去貪威稜甚峻邸王監國于謙薦守紫荊關以關門不守論辟宥之景泰元年遷右僉都御史節制紫荊倒馬諸關後謝政卒

王綱上高進士正統間爲右布政使爲人行止端方執法不撓自御史歷官布政所至有聲後致仕

鮑時安福進士正統間任右叅議政餘以春秋之學淑人楊璿字叔璣無錫人正統己未進士通敏有操執不以利害爲趨舍由主事遷郎中晉山西右布政定民差役均平無獎晉都察院右副都御史巡撫河南卒于官

石璞字仲玉臨漳人以御史遷江西按察使晉山西布政使剛直有治才刁民奸吏胥畏方議修堯廟一夕大風拔木積廟前皆棟梁材後進工部尙書正統時進太子太保改兵部尙書景帝初出募山西義勇又出理大同軍餉後掌南京都察院事成化初致仕歸

倪敬字汝敬無錫人正統十三年進士擢御史景泰中巡按山西奏罷入粟補官令戍將侵餉者悉按治豪猾斂手後斯復以直言謫典史遷督府都事卒

山西通志 卷八十五
祝顥字維清江南長洲人正統間進士景泰中任山西布政
司叅議專督糧儲時大寇之後倉府空竭飢民流散顥招
亡撫存條法曲盡進階右叅政仍督糧儲以晉俗少文思
振起以儒術廣選俊秀充生徒躬親教授表揚遺徽以爲
法式嘗以洪洞地里傳舍皆以臯陶爲名藜古聖人因爲
改正竝建祠葺墓復修二賢祠于聞喜祀裴趙兩公新明
道先生祠于澤州以伊川先生郝左丞經配焉天順中汾
州妖賊作亂就擒首謀止十六人顥以罪坐首事不欲多
傷善類又以改年僭號不可僅以盜聞乃以十六人爲謀
反上奏得旨如議顥行部封內往往駐車問民間利弊力
爲興除過高山大川及古昔名人宅里祠墓登臨謁吊一
時詩版流傳海內皆推大手居叅政七年上疏請歸歸二

十年卒

劉世忠字攄誠山東濮州人景泰時授監察御史累官山西
叅政成化癸卯甲辰歲大飢民嘯聚垣曲山中千餘人剽
掠鄉村公單騎入賊壘推赤心撫諭其衆曉以禍福衆感
泣棄兵器羅拜遂爲良民後陞都御史巡撫延綏

葉盛字與中崑山進士景泰間以兵科給事中遷山西右叅
政協贊獨石等處軍務先是獨石諸城屢事修復未見安
輯盛乃上興革事宜八條次第行之時品式備具而又買
牛種付戍卒不任戰者屯田以給軍中諸費復立社學建
義塚設煖舖拊循有方邊人歡洽天順二年巡撫兩廣破
賊砦八百斬首萬級八年移鎮宣府代李秉復修官田官
牛之法養老優賢留意風教會大舉入河套議增兵設險

山西通志 卷八十五
或請大舉搜套沿河築城堡抵東勝徙民耕守其中勅盛
往議方略上言搜河套復東勝未可輕議增兵守險可爲
遠圖上從之轉吏部左侍郎留意人才務求實行年五十
五卒謚文莊

王璠字廷瑞寧遠人景泰間進士性亢爽有局幹尤習吏事
累擢山西布政司左叅議分守冀北道冀北古雲中地北
禁部出沒不時戍卒餽餉恒虞不繼璠多方調畫邊鎮荷以
爲重後被黜終不附逆瑾南遊江淮遂卜居焉

謝祐字廷佐桐城人宣德乙卯鄉薦正統丙辰成進士歷任
部曹奉勅督山西邊儲接濟大同宣府天順戊寅陞山西
右布政使涖官慎勤存心仁厚凡所設施務使民沾實惠
前後志操始終一致致仕歸有宦游藁行世

李侃字希正東安人正統七年進士天順二年復設山西巡
撫遷侃右僉都御史任之奏言塞上之地與窮荒無異非
生長其間者未有能寧居而狎敵者也今南人戍西北邊
怯風寒聞寇股栗而北人戍南亦不耐暑多潛逃宜令南
北清勾之軍各就本土補伍人情交便戎備得修時不能
用奏發巡按李傑罪傑亦許侃按傑事有驗除名侃無賊
罪獲宥六年考察屬吏奏罷布政使王允李正芳以下百
六十人因言諸臣年與臣若不堪任事者臣悉退之臣亦
當罷詔不許侃性剛方力振風紀貪墨者屏跡冬母喪歸
軍民擁泣至不得行家居卒子德仁進士河東鹽運使
賈俊字廷杰束鹿人以鄉舉入國學天順中選授御史巡山
西有聲成化二十一年拜工部尚書加太子少保致仕卒

山西通志 卷八十五
邱陵字志高蘭陽人宣德四年舉鄉試第一由教諭遷平鄉
賈知縣時山西歲飢民有流入境者陵附循之給以閒田使
食其力歸之者千餘戶天順四年以政績卓異擢山西左
布政使成化初李秉爲吏部尚書執法不阿學士彭華從
子求京秩不得憾秉嗾同鄉給事中蕭彥莊誣劾陵坐逮
上疏奏辯事白彥莊免官陵亦致仕著有嬰教聲律二十
卷芸菴集三十卷子輅山西布政司左叅政

李篤字邦傑華容人宣德壬子鄉貢成化初晉山西右叅政
爲人廉直敏慎嗜學工書所居輒爲人重歸卜居黃湖山
石田茅屋而已足跡不履城市

馬文升字負圖鈞州人景泰二年進士授御史出按山西風
裁甚著仕至吏部尚書少師兼太子太師歸卒贈太傅謚
端肅加贈特進左柱國太師

雷復字景賜湖廣寧遠人成化七年爲右副都御史巡撫山
西繼李侃後端恪守法得軍民心敗寇紅紗烟再敗之烟
寺溝石人村賜勅獎勞時山西大稜而令預徵芻餉轉輸
榆林復上言自山西至榆林道路險絕民齎銀往易價翔
踊不免稱貸償責多破產今雨雪愆違饑民疾病流離困
悴萬狀而應輸綾帛藥果諸物又不下萬計乞依山東例
奏蠲除仍發帑賑贍上從之及發金三萬不足請鬻鹽四十
萬引竝令民入粟授散官皆報可卒於官

朱瑄號鈍菴華亭人總角能賦詩長益善記覽正統間進士
以御史出巡累擢山西僉事屬吏有不法者聞風而去尤
多平反冤獄清軍伍明恕不苛無隱沒誣枉之弊才名益

山西通志 卷八十五 名宦
起凡分巡官缺瑄輒兼領其事一日至大同有中貴親幸者入境欲射獵爲樂瑄與語遂斂威而去邊人不至驚擾未丁外艱服除復任山西成化五年始擢副使又二年上章請老家居三十年而卒
秦紘字世纓單縣人景泰初進士成化十三年爲右僉都御史巡撫山西奏鎮國將軍奇澗等罪奇澗父慶成王鍾鎰爲秦辯且誣紘上重違其意逮紘下法司治事皆無驗於是奪奇澗等三人爵王亦削祿三之一而改紘撫河南後往至戶部尙書致仕卒贈少保謚襄毅

何喬新字廷秀江西廣昌人吏部尙書文淵子也景泰五年進士成化十六年爲右副都御史巡撫山西邊地軍民每出塞伐木捕獸喬新言此輩苟遇敵必輸情求生皆賊導

也宜毋聽闌出犯者罪守將詔可敵犯塞偕叅將支玉伏兵灰溝營擊斬甚衆晉右副都御史歲饑奏免雜辦及戶口鹽鈔十之四劾僉事尚敬劉源稽獄請勅天下斷獄官淹半載以上者悉議罪上稱善亟從之召拜刑部侍郎山西大饑命往賑活三十餘萬人還流宄十四萬戶喬新仕至刑部尙書致仕卒贈太子太保謚文肅

胡謐浙江會稽人成化中以進士累官按察司副使提督山西學政謐嗜學於書無所不窺論諸生文高下悉當嘗以禮待刑遜之公所藏書於學宮因碑以示諸生諄諄以德行文章事功爲重不但欲誇多鬪靡爲書肆而已山右故無志謐以身秉文衡文獻之責于是乎在特爲草創之後

王轉本省叅政

山西通志 卷八十五
王盛字懋德韓城人成化進士爲人孝友介廉崇正闢邪以給事中陞山西叅政暇日惟以教人爲事河東一時名士出其門者甚多因目爲關西夫子所得俸祿盡散族人親識而家無餘貲所著有竹室詩

李芳利津人成化間進士初授監察御史劾尚書薛遠滕昭出按山西值歲饑奏發內帑賑之時汪直恃寵命人誣告尚書項忠不軌事命主越往按之越薦芳同往因語同事者曰吾寧得罪於權幸豈可得罪於天歷官按察使發奸摘伏吏畏如神

敖山字靜之山東莘縣人成化間進士拜翰林編修爲時推重出提督山西學校所著有石稜傳粲然稿先天手冊晚年數學精到

楊一清巴陵人數歲能屬文應奇童舉至京得召見十八登進士授中書舍人成化間任山西提學僉事弘才碩望師範端嚴人才高下甄別不爽表節義禁浮華士人翕然宗之累官至大學士贈太保諡文襄

石玉藻城人成化間山西副使發奸摘伏人稱神明疑獄片言而決全活甚衆二子玠瑤登進士遂致仕

張進祿清澗人成化間進士授御史劾彈不避權貴巡按山西榆次有巨俠怙惡構黨魚肉小民廉知之悉寘於法境內遂安

左鈺字廷珍阜城人以舉人授監察御史陞陝西環慶兵備僉事遷副使成化十九年召爲都察院右僉都御史巡撫山西二十三年復命巡撫山西兼都督雁門諸關通敏有

權略初韓王取假子自紹事敗連歲不決鉅為僉事承按
之一訊得實時稱其才致仕卒

李俊字子英岐山人成化五年進士為吏科都給事中二十

一年以星變疏劾梁芳韋興陳喜李孜省鄧常恩繼曉及

卿貳等語尤切尋以事出外弘治中累官山西叅政卒

顧佐字良弼臨淮人成化五年進士弘治中為右僉都御史

巡撫山西宗室第宅官為繕費不貲請悉令自營治正統

末權發太原平陽民戍邊後遂久不代奏令代遷正德初

代韓文為戶部尚書劉瑾憾文部有故冊選欲以為文罪

逼佐上其事佐不可奪俸乞歸卒贈太子太保

張敷華字公實安福人年七歲里社樹為祟麾羣兒盡伐之

舉天順八年進士弘治初為右副都御史巡撫山西中道

奔喪服闋還故官部內賦輸大同困于折價請太原以北

利轉運者仍輸米民便之正德初為左都御史致仕卒贈

太子少保諡簡肅敷華性廉介名亞劉大夏

吳道寧字世安河內人成化戊戌進士歷官以慈愛為本節

民財力為先弘治十一年陞山西按察司副使整飭雁門

等三關兵備創築寧武新城設寧武所及沿邊堡塞募軍

充實武備一新邊人有賴後以疾歸教子惟以耕讀為事

劉瑀字汝器蠡人成化二年進士以御史擢蘇州知府陞山

西右叅政會澤潞沁汾歲饑盜起瑀招徠賑貸民頗賴之

李後陞山西左布政使遷右副都御史弘治六年致仕歸

陳震字文靜慶陽人成化丁未進士為御史風裁凜然丁巳

陞山西按察副使務以德化壬戌陞按察使憲度益修正

山西通志 卷八十五
德初左遷兩淮鹽運同知終兵部右侍郎兼左僉都御史
致仕卒

李蕙字德馨當塗人成化己丑進士由給事中累擢山西右
布政使踰年轉左布政使公移出入吏多緣以爲姦蕙痛
治之姦弊盡息惠澤多及於民有畫像以奉之者癸丑陞
右副都御史督南京糧儲卒於官

楊文卿浙江鄞縣人進士弘治間授山西提學僉事操履端
嚴勸懲有道斥邪術毀淫祠申禁約建社學教化大行

王鴻儒字懋學南陽人成化末進士累遷山西僉事晉副使
俱督學政居九年士風甚盛孝宗嘗語劉大夏曰藩泉中
若王鴻儒他日可大用也正德改元謝病歸後累遷南京
戶部尚書卒諡文莊

李景繁字邦泰儀封人成化中進士授三原知縣遷太僕寺
丞改工部主事轉都水司郎中管漕河時漕塞自儀真入
淮凡三百里舟膠不行詔命都御史暨郎中治景繁獨任
之募夫八萬人初濬邵伯湖楊子橋三汊河廣皆六尺次
濬廣陵驛東廣倍於三汊次濬朴樹灣廣三倍於初次濬
儀真瓜洲二壩廣倍於朴樹者三深於舊者各五景繁行
瓜洲堤上見東南多沮洳區問土人此何所也曰江湖之
滙也景繁導之自古劄港劉家灣入漕渠曰今漕渠非得
巨流濟之舟終不可行如值江湖時開壩閘恣江北走已
卽塞之天復大雨漕事成矣土人曰河亢而江下非壩障
之則河水悉倒流入江漕築益淺都御史而下咸謂李策
非善景繁曰江水故平潮至則悍激耳潮退水易制也遂

山西通志 卷八十五
下令有司具土暨石潮至大決壩開江水奔漕水聲洶洶如雷景繁乃塞壩閱數日會大雨漕渠水瀾瀾襄岸舟乃大行河經徐州盪州將嘴居人震恐景繁又作石堤河不能爲害弘治六年遷山西右叅議理儲景繁行塞上凡十年而餉運不闕擢四川叅政以疾乞致仕
藍章山東卽墨人弘治中以監察御史巡按山西風裁自持彈劾不避權貴轉左僉都御史忤瑾左遷瑾敗起巡撫陝西剿平巨寇漢中人立祠祀之

姜洪字希範廣德人成化十四年進士爲御史孝宗初論辨邪正斥太監蕭敬內閣萬安劉吉學士尹直尚書李裕等語尤切直吉假督漕爭文移事貶夏縣知縣正德二年累遷山西右布政使劉瑾索賀印錢不應矯詔罷歸瑾誅復

起七年以右副都御史巡撫山西未滿歲卒洪歷官四十載居無垣牆

徐節字時中貴州衛人成化壬辰進士由內鄉令擢御史風裁凜然丙寅進右副都御史巡撫山西廉謹守法無一事擾民會逆瑾擅政見忤削秩罷歸瑾誅詔復職致仕

曹鳳字鳴岐號西野新蔡人成化辛丑進士由祁門令歷陞山西左叅政終都察院右副都御史巡撫延綏性孝友清介不御紈綺不問貨殖遺愛在民始終不屈身於權瑾士林重之

李夢陽字獻吉慶陽人弘治癸丑進士歷戶部郎中爲尚書韓文屬草劾劉瑾瑾矯旨謫山西布政司經歷勒致仕後起江西提學副使歸卒謚景文

山西通志 卷八十五
李鉞字虔甫祥符人弘治九年進士正德中爲右僉都御史
巡撫山西大修雁門十八隘與延綏援將安國杭雄敗寇
李于崑嵐加俸一級尋討平內寇武延章等嘉靖中仕至兵
部尚書卒贈太子少保謚恭簡

趙佑字汝翼雙流人弘治九年進士爲御史力劾中官劉瑾
指爲奸黨勒罷之後起山西僉事卒

徐暹歷城人弘治十五年進士武宗初爲南京工科給事中
奏留劉健謝遷詔繫獄廷杖除名後起山西遷僉事晉副
使平巨盜混天王民頌之卒官

孫修字用吉號廣原邯鄲人弘治乙丑進士由部曹歷陞山
西按察使公廉有威上下憚之後拜右副都御史巡撫湖
湘改南京操江致仕歸

尚衡字一中同州人弘治間進士歷陞給事中時營延壽宮
又釐兩宮衡上封事上覽奏罷役又劾戶部尚書呂鍾子
受賕事罷鍾官時保國公朱輔都御史史琳出師久無功
衡閱諸路邊餉遂劾奏忤當路遷浙江左叅議浙俗健訟
日受數百牒剖決如流連歲大饑賑貸活數千人改山西
駐平陽平陽故藩邸多馮藉以攘民衡力禁之盜王常聚
西山設計擒殺散其餘黨移守冀寧流賊寇河東太原甚
急衡檄指揮賈彪設伏盤馱坂下賊走冀南又檄官軍追
賊賊自壺關遁去後左遷漢陽卒

馬應祥字公順山東高宛人弘治丙辰進士外任以循良稱
試士亦稱水鑑後命山西督屯時屯田子粒多負欠併徵
實難應祥謀諸撫按許他物相準卽以給士卒甫三月完

山西通志 卷八十五
十六七撫按獎其賢尋擢按察副使頻上疏乞休爲歸畊園觴咏自娛

張敏字時勉嘉興海鹽人鄉舉籍在雲南弘治己未拜蘭州知州累陞山西布政司右叅政雄武有謀略遇事敢爲摘人隱伏多曲中致仕歸

楊澄射洪人進士巡撫山西約已厚士繕邊修具富儲選將勤蒐練廣間謀民賴以寧

陳鳳梧江西泰和人正德間以進士任山西提學副使鳳梧高才博學持身廉潔教士以德行爲先冠婚喪祭悉令遵用朱子家禮所頒條約數十款皆身心切務論文復極詳慎妍媸美惡不爽毫髮每引諸生至堂下教以明體達用之學後官兵部尚書

王崇文字叔武曹縣人珣第三子弘治癸丑進士由翰林改部曹武宗時擢山西叅政壺關盜起將發兵勦之崇文戒勿輕出諭以禍福多所解散擒其首惡餘黨悉平巡撫保定引疾歸著有兼山遺稿

黃珂遂寧人進士正德間山西按察使具經緯才有雅操辨在伸抑執法公平吏民懷服累官工部尚書

高友璣樂清人進士正德間任山西按察使堅持風憲不畏強禦讞獄平允民無冤抑至今稱之陞副都御史巡撫大同

馬卿林縣進士正德間提學副使端嚴有體閱士校文雖寸長必錄褒獎行義遠近向慕之歷官都御史

王尚綱邠縣人進士正德間叅政恤民均惠善政纍纍未幾

以親老疏歸居家十九年交薦不起後起復山西叅政陞
浙江右布政使德行文章與李何齊名

劉澤濟寧進士正德間分守冀寧道時朝廷有事西北保德
係津要六軍扈從供億不貲澤以方面重臣來總其事才
足應變調度有方凡船艦芻粟等務不盈不貲且親按擾
民者以警衆又償牛羊價值檄旁郡協濟居者以寧逃者
以歸旋車之日老幼焚香稽首不忍舍

顧璘字華玉上元人弘治九年進士歷山西巡撫有聲後遷
南京刑部尚書卒璘少負才名與何李相上下

陳察字原習常熟人弘治十五年進士爲御史直聲震朝野
累官山西左布政使有聲後巡撫南贛歸卒察居官廉旣
歸敝衣糲食而已

宋景字以賢奉新人弘治末進士嘉靖中累官山西副使民
饑爲盜殺守禦指揮景樹幟令被脅者赴之賊咸歸命乃
擒斬其魁四遷山西左布政使仕至左都御史卒贈太子
少保吏部尚書諡莊靖

陸深字子淵上海人弘治十八年進士歷祭酒充經筵講官
言講官撰講章閣臣不宜改竄謫外晉山西提舉副使有
聲仕至詹事卒諡文裕

張文魁字元甫號子川河南蘭陽人正德戊辰進士由部曹
累陞山西按察司僉事巡冀北道勘劾權要無所徇嘗修
沿邊險阻遇伏於橋頭堡以護兵直前迫之皆遁去胡中
丞錠薦其才陞布政司左叅議復守冀北宜民之仁足餉
之才擊強之威可方古人後陞陝西行太僕寺少卿大同

山西通志 卷八十五
副總兵雅重之以鞍馬金器馳賀於陝文魁曰吾不以易地易介也郤之後陞布政司右布政使以都御史致仕卒趙漢字鴻遠平湖人正德六年進士爲給事中好直言出爲陝西右叅政告歸久之以故官起山西不數月復致仕應良字原忠仙居人正德六年進士爲編修受學王守仁嘉靖初爭大禮廷杖張璁出爲山西副使謝病歸卒

江潮字天信貴谿人弘治己未進士正德間歷任有風采視學人稱冰鑑乙酉以文武才被薦拜都察院右副都御史巡撫山西兼督三關軍務下車未數日卽行邊閱城堡堅瑕芻粟豐約與諸將士勇怯策緩急而弛張之居二年寇不敢近太原人李福達以妖書惑衆聚黨至數千人震動三河潮勒兵解之福達操重資逋匿他所潮購捕益急遂

詭張寅名入京夜持萬金爲武定侯郭勛壽因匿勛家勛詒書山西部使者爲關說潮捕得其書抗疏陳福達罪狀併劾勛倚掖廷親怙勢藏逆疏三上不報因罷官歸侍太夫人養隆慶初錄其忠贈兵部左侍郎諭祭制辭有持法正妖矢忠遭謗之詔

馬錄字君卿信陽州人正德三年進士爲御史嘉靖五年出按山西而妖賊李福達獄起福達崞人初坐妖賊王良李鉞黨戍山丹衛逃還更名午爲清軍御史所勾再戍山海衛復逃居洛川以彌勒教誘愚民邵進錄等爲亂事覺進錄伏誅福達先還家得免更姓名曰張寅挾重貲往來徐溝間輸粟得太原衛指揮使子大仁大義大禮皆冒京師匠籍用黃白術干武定侯郭勛勛大信幸其仇薛良訟於

山西通志 卷八十五
錄按問得實檄洛川父老雜辨之益信勛爲移書錄祈免
錄不從偕巡撫江潮具獄以聞且劾庇奸亂法章下都
察院都御史聶賢覆如錄奏詔福達父子論死妻女爲奴
沒其產會給事中王科鄭一鵬程輅常泰劉琦鄭自璧趙
廷瑞沈漢秦祐張遠陳臯謨御史程啓充盧瓊邵幽高世
魁任淳南京御史姚鳴鳳潘壯戚雄王獻評事杜鸞刑部
郎中劉仕主事唐樞交章劾勛謂罪當連坐勛累自訴以
議禮觸衆怒爲言上心動張璫桂萼復合謀騰蜚語謂諸
臣交結借端陷勛上深入其言而外廷不知攻勛益急上
益疑命取福達等至京下三法司訊旣又命會文武大臣
更訊之皆無異詞上將親訊以楊一清言止仍下廷鞫刑
部顏頤壽等不敢自堅改擬妖言律斬命法司俱戴罪辨

事遣官往械錄潮及前問官布政使李璋按察使李珏僉
事章綸都指揮馬豸等乃反前獄抵良誣告罪上以罪不
及錄怒甚命璫萼方獻夫分署三法司事盡下尚書頤壽
侍郎劉玉王啓左都御史賢副都御史劉文莊僉都御史
張潤大理卿湯沐少卿徐文華顧似寺丞汪淵獄嚴刑推
問遂搜錄篋得大學士賈詠都御史張仲賢工部侍郎閔
楷御史張英及寺丞淵書詠引罪致仕去仲賢等亦下獄
萼等上言給事琦泰郎中仕佐錄殺人給事中科一鵬祐
漢輅評事鸞御史鳴鳳壯雄扶同妄奏給事中科遠御史
世魁率衆連名郎中司馬相妄引事例乃并下諸人獄收
繫南京刑部當會訊時太僕卿汪元錫光祿少卿余才偶
語亦逮問萼等遂肆撈掠錄不勝刑自誣故入人罪萼等

乃定爰書言寅非福達錄等恨勛構成寃獄因列上諸臣
罪名於是璋珏等暨知州胡偉前大理丞毛伯溫副使周
宣謫戍爲民間住有差良抵死衆證皆戍寅還職錄以故
入人死未決當徒上以爲輕欲坐奸黨律斬萼等謂張寅
未死而錄代之死恐天下不服宜永戍烟瘴地緣及子孫
楊一清又言錄罪不中死律若法外用刑吏將緣爲奸乃
戍廣西南丹衛遇赦不宥遂編欽明大獄錄頒示天下時
嘉靖六年九月壬午也十六年肆赦諸謫戍者皆釋還惟
錄不赦竟卒於戍所隆慶初諸人皆復職贈官錄首贈太
僕卿當訊大獄時舉朝不直萼等而以寅福達姓名錯互
亦或疑之至四十五年正月四川大盜蔡伯貫就擒自言
學妖術于山西李同所司檄山西捕同下獄同供爲李午

之孫大禮之子世習白蓮教假稱唐裔惑衆倡亂與大獄
錄姓名無異同竟伏誅穆宗初御史龐尚鵬言據李同之
獄福達罪益彰而當時流毒縉紳至四十餘人衣冠之禍
可謂慘烈郭勛世受國恩乃黨巨盜陷朝紳職樞要者承
其頤指鍛鍊周內萬一陰蓄異謀人人聽命禍可勝言哉
乞追奪勛等官爵優卹馬錄諸人以作忠良之氣繇是福
達獄始明

戴鱉字時重號東石鄞人正德乙丑進士由部曹歷陞江西
叅政尋陞山西按察使振飭憲典官僚憚之有閹豎殺人
匿宗室家吏不敢問鱉卽收捕付獄聞者悚息有巨商持
宰相書來告逋欠者輒焚書杖而遣之曰爲朝廷監司寧
爲賈豎責券耶有知縣受賕殺人巡按御史知其與權貴

有連釋之釁爲正法乃已尋陞廣西右布政使終四川巡撫都御史坐謗落職歸

楊最字殿之射洪人正德十二年進士授工部主事督通山西憫其民貧不俟奏報輒返尚書李鏊劾之有詔復往最乃與巡按御史牛天麟極陳歲災民困狀請緩其征從之仕至太僕卿世宗悅方士段朝用言欲令太子監國最極諫杖死監國議亦罷隆慶元年贈右副都御史諡忠節曹蘭咸寧人正德間進士歷山西布政使時大同叛變蘭毅然獨往履險決策賊不敢犯

傅鑰字希準遼東廣寧人正德間進士授給事中嘗論邊事爲尚書王瓊嘆服曰吾不能言也會宣大將領失利亡卒甚多邊臣以聞廷議遣給事中往覆視之屬鑰上可之曰

是嘗言邊事者至鎮考治甄別不隨不苛得實以報副總兵劉淮嘗格敵有功亡卒亦稱而鑰向所論業著於典得免時論稱平嘉靖間累陞山西按察使用法平恕不事操切而專持大體富民某某坐殺人當死獄成後以貨免鑰收鞫之實於法主簿某知縣某皆良吏以忤當道意爲奸人所構事下按察司或謂鑰云是當道所欲入鑰曰法如此惡以人意出入竟白之終河南巡撫

張文奎字應光號蒲山陝西洛川人正德丁丑進士性沉毅而慈仁由部曹陞四川按察司僉事己丑量移山西按察使司督理屯田時叅將謀違例占種人不敢詰文奎按劾不貸屯政就理以賢能薦再奉璽書飭兵石隰武備聿修後晉山西左布政使廉節愈厲革加耗裁公費晉省以寧

內艱歸

潘鑑字希古婺源人正德戊辰進士由南京大理評事歷陞山西按察使晉江西右布政使終兵部尚書兼右副都御史儀觀修挺性坦易不爲危言激論而耿介壁立不可干以私治官如家恭勤潔白之操始終一致贈太子太保謚忠襄

暢華字子實隴西人正德丁丑進士歷陞山西按察司僉事值尙嵐寇發撫按以華往不旬日渠魁悉殄脅從盡釋撫按獎其功又以河東累值凶荒請勅專以華分巡河東弭盜安民時論偉焉年未六十乞休

孫繼魯字道甫雲南右衛人嘉靖二年進士爲山西叅政數繩宗藩暨遷按察使宗藩百餘人擁馬發其裝見敝衣外

無長物乃載酒謝過二十六年又繇陝藩擢右副都御史代楊守謙巡撫山西繼魯耿介所至以清節聞然好剛使氣總督翁萬達議并守大同抗章力爭之又貽萬達書曰往歲建雲中議宰執幾不免近年撤各路兵督撫業蒙罪萬達乞別調繼魯否則早罷臣兵部是繼魯廷議是萬達上怒繼魯騰私書引往事而夏言亦惡繼魯不爲地下詔獄瘐死繼魯爲巡撫僅四月山西人習其前政冀有所設施遽以非罪死咸爲痛惜宗藩有上書訟其寃者卽前奪視其裝者也隆慶初贈兵部左侍郎諭祭葬諡清愍

高叔嗣字子業祥符人嘉靖二年進士歷稽勳司郎中出爲山西左叅政斷疑獄十二事人稱爲神遷湖廣按察使卒叔嗣工詩蔡汝楠推爲有明第一

王儀字克敬文安人嘉靖癸未進士由靈壁知縣歷陞山西布政司叅政守冀寧寇突清源城下儀令洞開諸門寇望之疑有伏宵遁乃檄部中無城者築無糧者蓄無兵衛者選練於是榆次平定之間皆有城寇戒不敢犯宣鎮缺巡撫廷議推儀以僉都御史往講畫戰守利弊上十餘疏易將領之庸弱者拔才能飭廢墜邊政一新儀視邊遇寇從盤谷中擁之入儀促兵迎戰俘酋百馬千降詔旌勵賜白金文綺晉右副都御史巡撫如故歲大旱衆議餉且乏而把都兒等乘虛突入所過剽掠儀督將走之事聞詔加切責遂奪儀巡撫儀雖罷而廷臣交口推其才皆云可屬邊事旋授陝西副使兵備肅州罷歸九年卒後還其職

靳學會濟寧人爲山西副使治績有聞

胡松字汝茂滁州人嘉靖八年進士累官山西提學副使三十年秋上邊務八事謂去秋俺答掠興嵐卽傳箭徵兵尅期深入守臣皆稔聞之而巡撫史道總兵官王陞等備禦無素待其壓境始以求貢上聞又陰致賂遺令勿侵已分地冀嫁禍他境今山西之禍實大同貽之宜亟置重典以厲諸鎮大同自兵變以來壯士多逃漠北爲寇用今宜招使歸有攜畜產器械來者聽其自有更給牛種費優復數年則我今捐金十萬可得壯士二萬撫而用之皆勁旅也孰與棄之以資強敵哉大同最敵衝爲鎮巡者較諸邊獨難今宜不拘資格精擇其人豐給祿廩使得收召壯士畜參健丁又久其期非十年不得代彼知不可驟遷必不爲苟且旦夕計而邊圉自固又必稍寬文網非大千憲典言

官毋得輕劾以壞其成功至用間之道兵家所貴今寇謀獲於山西者已數十人他鎮類是是故我之虛實彼無不知今宜厚養死士潛縱遣之得間則斬其名王部長及諸用事貴人否亦可覘強弱虛實而陰爲備又寇貪而好利我誠不愛金帛東賂黃毛三衛以牽其左西收亦不刺遣種子善地以綴其右使首尾掣曳自相狼顧則我可起乘其敝坐收全勝矣他所條析咸切邊計上嘉其忠懇晉秩左叅政松疏上當事者已惡其侵官及遷擢益忌之不畀以兵柄令於三關聽用欲牽制之以敗其事寇大入抵太原給事中馮良知遂劾松建言冒賞無寸功科道張堯年王珩劾總兵官張達等竝論松虛議無補遂斥爲民後薦起仕至吏部尚書卒贈太子少保諡恭肅

葛守禮字與立德平人嘉靖八年進士爲儀制郎中故事郡王絕近支得以本爵理府事不得繼封交城懷仁襄垣近支絕以繼封請守禮持之堅會以疾在告三邸人乘間行賂遂得請旗校詞其事以聞所籍記賂遺十餘萬獨無守禮名上繇是知其廉再遷山西按察使後爲戶部侍郎又督餉宣大仕至左都御史歸卒贈太子太保諡端肅

翟鵬字志南號聯峰撫寧衛人正德戊辰進士素秉忠誠兼通將略由部曹累陞巡撫辛丑詔整飭直隸山西河南等處軍務寇犯石州甚急鵬飛檄邊剿首挫其鋒斬獲首級奪牛羊無算地方以寧陞兵部右侍郎兼左僉都御史總督宣大偏保等處軍務首疏預集兵馬亟處軍餉招撫叛亡申明賞罰四事俱蒙嘉納以不合於桂州相回籍遂廢

山西通志 卷八十五
總督不復設後寇復深入詔起仍前總督山東河南竝聽
節制時大同邊牆久蕩爲平地寇入漫無阻滯冢宰許議
興修築廷議難之鵬建議挑修壕牆深廣各二丈壘土增
高延袤三百九十餘里添築新墩二百九十二座護墩堡
一十四座添設守備操守十四員起蓋營房一千五百間
得地一萬四千九百餘頃以地募軍每軍給地五十畝得
軍一千五百名事半功倍省費數十萬上賜優賞二十二
年三月運京通二倉米二十五萬石貯懷來分給宣大就
彼關支大同距懷來千二百餘里脚費不貲鵬奏將米盡
留宣府以宣府名買銀兩發大同給放月糧人皆稱便宣
府一鎮拱護陵寢鵬憂邊防單薄疏請於要害修築土石
大牆一道墩臺八十八座敵臺三座墩房七十八間越牆

一座山西三關歲修邊嘗用帑二十萬隨修隨圯竟無成
功鵬委軍門聽用主事劉燾督同各鎮主客擺邊官軍壯
夫等各就分定地方築牆挑挖壕塹各十萬丈營盤二十
處周圍牆共三千一百二十五丈墩一十一座敵臺六座
修補舊牆壕塹不可勝計工役無費於帑而峻壁深溝如
金城天塹三關中爲寧武雁門在東偏關居西雁門十八
隘口延袤四百里止代州設有守備廣武跼設有備禦各
一員寇入率由東路白草溝夾柳樹橫嶺背等處鵬奏改
設鎮將募兵增戍據紫荆倒馬之衝而畿輔之保障始固
往年各鎮官軍月糧多缺鵬奏請補給按月支放人皆感
奮期於一戰前此三年五寇越太原歷遼沁屠虜甚多自
鵬督臨寇遂不敢近邊二十三年二月巡邊至宣府議復

松居二堡值寇侵犯督兵追剿捷聞璽書褒異進秩兵部
尚書兼都察院右副都御史九月順天巡撫朱方請掣薊
鎮防秋客兵東塘議擬覆題并將宣大三關主客官兵盡
行掣散文到鵬仍行各鎮遠探果無寇營防禦主兵方可
掣放而宣府鎮巡止據部行不復哨探亦不復設備寇測
知遂於十月初九日由膳房堡拆牆入境十一日報到寇
已南下至蔚州界鵬卽迅發朔州督軍拒遏夜半至馬邑
調發各鎮將官隨賊截殺并行保定總兵周徹整擗兵馬
赴紫荆關浮圖峪守把隘口親詣渾源廣靈調度進勦諸
將感奮競相血戰斬獲甚衆又設策生擒王三奪獲器馬
無算人咸謂宣大數十年來僅有此捷而逮繫之命忽下
老稚無不泣下沾衣鵬之罹此始於郤永之嫁禍成於東

塘之諉罪竟致感疾而終

楊守謙字允亨志學子嘉靖八年進士練習兵計爲右僉都
御史巡撫山西與舉偏頭老營堡營田薦副使張鎬爲提
調營田大興穀價減十五移撫延綏以山西修邊功增俸
一級賜金幣有加二十九年移撫保定以勤王獲罪邊陲
吏士胥流涕著有大寧考紫荆考花馬池考隆慶初贈兵
部尚書諡恪愍

桑喬字子木江都人嘉靖十一年進士十四年爲御史出按
山西所部頻寇躡奏請盡蠲徭賦厚恤死者家叅將葉宗
等將萬人至荆家莊陷伏中大潰寇遂深入天城陽和兩
月間五遭寇巡撫樊繼祖總兵魯綱以下皆爲喬劾副將
吳李懋及宗等六人竝逮治後劾嚴嵩戍卒

山西通志 卷八十五
吳嶽字汝喬汶上人嘉靖十一年進士累官山西副使又爲
山西右布政使竝以清靜得民仕至南京兵部尚書叅贊
機務卒贈太子太保諡介肅嶽清望冠一時戶部尚書馬
森嘗曰平生見廉節士二人嶽與譚大初耳

童漢臣錢塘人嘉靖中爲御史二十年寇大入宣大總督樊
繼祖等掩敗三以捷聞漢臣劾之繼祖等得罪出按山西
督諸將擊却寇之薄太原者時方劾大學士嚴嵩吏部尚
書許讚明年漢臣與巡撫李珣覈上繼祖等失事狀讚承
嵩指因言漢臣勘遲延嵩遂擬旨鑄珣一階留任謫漢臣
湖廣布政司都事舉朝皆知爲嵩所中莫能救也終江西
副使

蘇祐字允吉號舜澤濮人嘉靖丙戌進士性和易可親而耿
介有節癸巳以御史出按宣大平亂軍丁酉按山西監臨
省試以得人稱錄大辟減死五十餘人壬寅擢山西叅政
分理雁門三關丁未進右副都御史巡撫山西協守及營
田奏功晉秩一等成寧武關城已酉以兵部侍郎總督宣
大山西軍務訓練精勤壬子老營堡獻捷晉從二品秩賜
金幣癸丑進右都御史寇二十萬衆夾大同南下將入內
關祐提兵馳赴永安堡遇戰奏捷祭告郊廟榜示九邊晉
兵部尚書致仕歸

許論靈寶人正德丙戌進士優於文而以用武顯在禮部嘗
進九邊圖論世宗嘉納之撫蘓州又上備邊十二事庚戌
撫山西力却互市厚戍嚴關章十上無不剴切乃設亭障
謹烽火列拒馬佃營田部署周詳屹然足當山河之固寇

犯柞子塢不得入乃伺大同龍鬚墩論集精銳邀擊之捷聞詔進兵部右侍郎賜金幣獎諭壬子八月寇犯紫荆關論督八營兵布八陣厚待之寇聞而遁時雲中上谷飢甚論奉召出關檄傳雲中兵敗殺副將論策曰治亂如治絲急之益勞發條約懸書徧諭之閭伍乃輯論疏其狀乞假歲月以布恩威上心然之手條約置坐側論既至申令誓師人人感奮以軍興不給亟請發度支通鹽筴足芻糧廣轉輸密綜核妖民呂鶴結寇入論決策擒斬之獻馘四十詔進右都御史復敗寇于紫塞八角堡追襲俘馘百七十有奇詔進兵部尚書廕一子世襲錦衣衛千戶總督如故甲寅寇連營犯瓦窰口佯遁旋入論督諸軍奮擊明年秋入掠獨石其酋俺答大舉四十萬衆寇山西論遣輕騎搗

其穴據險設伏夜出銳師破之已復犯龍門火石嶺又敗之於響水舖詔加太子太保廕一子世襲正千戶召入爲尚書上手札問邊方大計論掇其要七事以對大同右衛孤懸虜圍不解論陳六事五要大率主於振厲積衰責成專任言者俛俛告急請罷本兵憾者主之論遂免己未西北邊有警上曰薊遼督府務得人朕欲仍用許論命甫下驩聲震邊隅論逋上便宜申條約一如嚮法庚申寇把都兒辛愛大舉分寇東西論登陣誓諸軍力戰而卻追至段伏嶺俘馘以聞賜金幣軍中尋下譽命憾者擿以虛報邀功輜獻六俘面詰乃寢論既經略邊徼分爲十區各以憲臣監之區分衝援爲主守分兵奇正爲犄角後人多遵之歲大禩列戎噉噉待餉論爲請賑言者以亟請擿遂罷論

山西通志 卷八十五
核諸軍實無濫出入乃己丙寅自理喪具端坐而終年七十二穆廟時子倓詣闕上書詔復故秩諡恭襄諭葬祭周于爲山西指揮使禦寇死獲贈卹

江曉浙江仁和人進士嘉靖間山西右布政爲政持大體端方自居而與人以和終工部侍郎贈尚書

王喬年高密人進士嘉靖間分巡冀寧道時值荒旱土賊竊發以定襄段木山爲巢穴喬年設謀誘之夜襲其營生擒四十餘人殺傷甚衆餘黨解散境內乂安

萬恭字肅卿南昌人嘉靖二十三年進士嘉靖四十二年請劇邊自效命以兵部右侍郎兼僉都御史巡撫山西却龍鬚墩寇又拒退寇于朔州川老高墓事聞賚銀幣巡撫故無旗牌恭請得之又築濱河牆四十里教人以耕及用水

車法民大利之浹歲以艱歸後總理河道歸卒恭強毅敏達一時稱才臣

王宗沐字新甫臨海人工詩文嘉靖二十三年進士累遷山西右布政使所部歲禮因入覲上疏曰山西京師右腋自故關出正定自忻代出紫荆皆不過三日宣大之糧雖派各郡而運本色者皆在太原饑民一聚蹂踐劫奪歲供宣大兩鎮六十七萬餉誰爲之辦此可深念者一也四方奏水旱者以十分上部議常裁而爲三所免不過存留者而已今山西所謂存留者二鎮三關之輸也其所謂存留乃反急于起運是山西終不蒙分毫之寬此可深念者二也開疆萬山之中巖阻巉絕太原民不得至澤潞安望就食他所獨正定米稍可通然背負車運率二斗而致一斗甫

山西通志 卷八十五
至壽陽則價已三倍矣是可深念者三也饑民相聚爲盜招之不可勢必撲殺小則支庫金大則請內帑與其發帑以賞殺盜之人孰若發帑使不爲盜此可深念者四也近邱富往來誘惑邊民妄傳募人耕田不取租稅愚民何知急不暇擇長邊八百餘里誰要之者彼誘而衆我逃而虛此可深念者五也因請緩征逋賦留河東新增鹽課以給宗祿萬曆中累遷刑部左侍郎閱視宣大山西諸鎮邊務歸卒諡襄裕子士崧巡撫大同

連鑛字伯金永年人由進士選庶吉士出補日照縣庚子以御史按山西議類解額辦錢糧而三晉民力少蘇時秋警方殷兼鄉試重務鑛晝夜勤理疏五上皆切中機宜科目亦稱得人議寢馬地餘銀廣平八郡陰受其惠條陳防寇

八事語過切直而上陰重之累陞右副都御史總理河漕以疾歸著有明山疏略燕山漫稿

郭斗號麓池雲南人嘉靖間以進士任山西驛傳道副使風姿純粹居官清理宿弊立招商法使自供役遠近稱便敵騎破驢皮窰口分道入寇斗傳諭居民令悉避入城而躬自登陴守禦敵知有備遂中沮已遇旱請于兩臺人給以粟晉人祀之三功祠中

陳瑞號文峰福建長樂人嘉靖間以進士任山西督學道閔才博學以興起斯文爲任敵入寇時撫軍以防秋駐寧武藩臬以齋捧相繼出疆瑞與驛傳道郭斗居守敵計以南關財貨畢集而卑薄易破欲并力攻瑞分守南關出庫中兵器授士卒發金錢懸賞格舉炮火揚軍聲敵不敢前引

去既退更爲修築使高厚與內城等瑞以文學臣任城守
責論者以爲難今祀三功祠中

閔煦直隸任邱人嘉靖間以進士任山西提學僉事先器識
後文藝以修明教化爲務嘗取晉名宦鄉賢汰僞存真輯
正祀考一書而序以行世略謂考之慎斯正之嚴正之嚴
斯祀之當夫然後淑慝辨而鑒戒昭後歷山西按察使布
政使最後爲巡撫胥爲晉人愛戴云

周斯盛寧州人嘉靖間以進士任山西提學副使築河汾書
院集雋異士肄業其間月有課季有試文教大興於病者
醫治之婚喪不舉者賑貸之其有規言矩行束修自好者
則又特爲尊禮以示優異校士之暇以通志爲文獻攸關
力爲搜採纂集成書中間於鄉賢節孝更極慎重離任後

諸生立祠祀之爲人貌恭而氣和敦本尚質

楊宗器歸安人嘉靖辛丑進士由庶吉士改諫垣多所建白
累擢山西右布政進右僉都御史提督雁門諸關兵務先
時三晉罹兵荒至則力圖安攘大計撫綏兵民汰穢清輸
節用儲餉嚴埃勵兵關務以飭稍寧者三載歲復大稔晉
右副都御史尋命督儲南都以疾卒

陳講遂寧人進士嘉靖間提學副使寬而有制品第士類人
咸服其明建河汾書院萃士之良者課業有程多所造就
歷官副都御史巡撫山西增築城堡邊境賴之贈兵部右
侍郎

吳瀚字受夫洛陽人進士嘉靖間由御史歷遷山西按察使
法比精練爲衆推服凡大獄訊決罔留罔無淹禁陞右

山西通志 卷八十五
布政轉左使是歲太原有邊警城素無備瀚誓衆分部固
守躬督糧出犒師已而援兵四集士獲宿飽衆賴以安又
議築關城以固保障晉人德之陞應天府尹尋陞右副都
御史巡撫畿甸兼督三關籌邊之略戰守之法必具萬全
以馬水口李家嶺爲宣大要衝剷壁築垣增屯置戍備戒
孔巖後敵至浮圖峪不得入議者以爲二堡經略之功後
以事忤時回籍

劉大謨字遠夫儀封人正德間進士由主事改御史巡按遼
陽會太監章岑肆毒大謨捕其左右置之法岑懼誣以他
事逮詔獄謫隆德典史歷知縣同知僉事嘉靖改元晉陝
西副使尋遷四川左叅政會三晉大饑以才望素隆拜右
僉都御史巡撫山西提督雁門軍務卽上疏請出內帑溥

賑從之遣官齎銀五萬入晉陽時方旱大謨巡歷所至問
民疾苦兼禱請旋復雨民大悅會有議撤備關官軍者抗
疏止之以糾劾叅議魏倫忤重臣意致仕後起四川巡撫
晉左副都御史卒於官賜祭葬廕子爰國子生

周滿字謙之廣漢人嘉靖壬辰進士庚辰以山東副使奉命
清保薊宣大山西五鎮邊儲鉅細畢詳于是識鎮帥之才
智多勲者各咨以戰守攻禦之宜堡徼築設之備與練習
爨帖賞罰信必之方更閱尹耕所撰鎮誌酌裁於心力主
募兵不如養兵擺邊不如合戰上疏言山西等省民兵之
利弊悉用其言癸丑陞山西叅政駐節靈武選練日勤寇
不敢度關上廣鹽利同文教嚴內備查冗置四事上俞行
之乙卯轉陝西右布政使丙辰又轉山西左布政使終右

副都御史著古文詩賦奏議家譜二百餘卷乞休卒
高翀字允升安陸人抱奇負氣人如其文嘉靖丙戌進士由
縣令內召辛丑出補四川叅議陟按察副使山西叅政山
西內外儲寄在叅省翀緩急有序治黃冊老吏不敢弄法
按察使職列外臺翀挈持維綱鋤削荒類治獄虛聽實求
民用不寃終右副都御史卒於家著有奏疏集玉華詩文
稿歸與稿

趙時春號浚谷少舉進士選庶常世宗時以徐階薦召爲兵
部職方主事累遷巡撫山西都御史提督雁門諸關督兵
禦寇率以身先斥貪墨省征徭抑求請絕餽遺曰吾不敢
竊府庫以自潤亦不能借府庫以市恩宗藩貴宦相戒莫
敢犯法以謗歸卒於家賜祭

李僑字子高山東人性端而守恪由進士歷任按察使進山
西左布政使山西三面距寇民無寧居僑保釐三載流亡
漸歸邊境賴之然竟以耿介不悅于當路投紱歸

王獻字惟臣號南澧咸陽人爲御史有論釋大禮諸放臣及
論罷南都添設鎮守二疏人多稱之按察山東建海運議
旋有山西左叅政之命因之中止初使山西清理軍伍稽
察案牘究心所事卽行陣充足淹弊釐革其再按山西也
時值薦饑且罹寇患下車卽請帑施賑民藉以生修武備
振士風飭官常裕錢穀諸所設施憲度斬斬其決晉藩襲
封之疑以杜爭端陞潞安州治爲府以弭宿患尤人所推
論者後罷歸

曾銑字子重江都人自爲諸生以才自豪嘉靖八年進士爲

山西通志 卷八十五
會副都御史巡撫山西經歲寇不犯邊朝廷以爲功晉兵部
侍郎巡撫如故二十五年夏晉總督陝西三邊軍務議復
套爲嚴嵩構陷識與不識胥痛悼隆慶初贈兵部尚書諡
襄愍

胡賓字汝觀光州人嘉靖乙未進士性莊重立朝無所依附
庚戌由太僕寺丞擢山西僉事會當防秋急詣繁峙激厲
將士督修城堡嚴守備壬子聞母喪卽日奔歸後陞山西
副使未至任疾卒

程紳字伯書號東溟樂安人性孝友嗜學嘉靖戊戌進士除
長治縣會大旱禱雨輒應擢刑部主事由僉事遷山西布
政司叅議守河東道蒲州城西逼黃河河侵勢甚危紳亟
築之數月告成蒲人誦其德俗競侈靡婚葬非大備不舉

紳嚴禁約月餘襄葬合子女者數千家舊藩叅不與戎務
巡撫檄紳守要害賊畏威不敢犯守城堡二十餘處悉爲
保全晉山西按察司副使奉勅總理紫荆等關保定等地
方兵備日夜營戰守具務在萬全寢食俱廢乙卯疾卒於
官

劉涇字次山河南人少學於何栢齋之門以進士入史館又
以御史職清戎多有補於國是後晉山西按察副使潞安
兵備分巡冀南嘗與防秋駐師雲中八角堡時北部入犯
激衆固守以身爲長城屹不可動敵遂退尋以他事落職
歸

趙祖元字宗仁婺人嘉靖甲辰進士由教授累陞山西按察
司僉事丙辰地震河東蒲州境覆壓過半盜乘之蝟起抄

山西通志卷八十五
劫晝行祖元設方略解散其黨而悉籍其金錢之無主者
數十萬官貯之且新其城塹境以無事俄遷江西叅議復
遷山西兵備副使以憂歸

周宣莆田人進士嘉靖間提學副使器宇端雅有學行能以
身教人儒黨相賀咸稱得師

閔楷任邱進士嘉靖間爲左布政使政尚廉平治持體要雅
稱旬宣之任官至侍郎

唐龍蘭谿人進士嘉靖間由陝西提學副使陞山西按察使
寬而栗威而不猛延見吏民咨諏疾苦黎庶歡洽仕至吏
部尚書贈少師諡文襄子汝楫狀元及第

王汝孝東平人進士嘉靖間提學副使雅量不苛教人敦行
尚實刊諸禮輯覽士知遵守聞喪卽日就道時雨雪泥濘

中諸生泣送不忍捨

楊惟聰直隸同安進士嘉靖間山西右布政持已嚴毅悉民
疾苦路見貧寒時爲周給仍檄有司各加存恤惟於強宗
貪吏不寬假人咸德之

陳洪濛字元卿臨川人以進士授主事累陞山西左叅政涖
冀南擒寇偵者一人又捕白蓮教諸賊特賜帑金仕至都
察院右副都御史乞歸四壁圖書蕭然著有五經輯略性
理纂要諸子粹言等書

宋淳浙江開化進士嘉靖間山西叅政其先守太平廉正撫
字剖決如流有宋一刻之號及叅大政存大體不以苛察
爲明仕至南贛巡撫致仕歸里

山西通志卷第八十五

山西通志卷八十五

字陪夾號旅宋一

宋阜蒲二間

匪

察

莫

東

直

北

謝

中

山

山西通志卷第八十六

山西巡撫都察院右副都御史臣覺羅石麟奉

旨修輯

名宦四

統轄

明

楊巍字伯謙海豐人嘉靖二十六年進士為山西僉事參議

分守宣府尋為陽和兵備副使隆慶初晉右副都御史巡

撫山西所部驛遞銀歲徵五十四萬巍請減四之一修築

沿邊城堡千餘里檄散大盜李九經黨乞養母去後為吏

部尚書歸卒贈少保

栗祁字子登夏津人嘉靖壬戌進士擢山西按察副使因備

兵懷隆去郡父老夾車轂泣送者數千人三年後拜山西
叅政兩臺交薦大臣閱邊還報稱可大用遂以祁開府北
邊爲人豐頤重厚舉止雍容美文詞平恕不苛馭下取寬
簡而持已獨嚴所至有廉名以小疾遂不起

秦可大成寧進士歷山西叅議分守口北隆慶二年擢本省
副使兵備陽和轉四川副使五年尋陞山西行太僕卿兵
備寧武所至皆有政績

趙孔昭邢臺人進士隆慶間巡撫山西持大體不責苛細巡
邊往復送迓止於臺前一揖諸司道府縣贖緩責令掛號
分外不博一錢至厄塞險平城障修廢儲糈虛實士馬肥
瘠徧歷三關靡所不周

宋纁字伯敬商邱人嘉靖三十八年進士爲御史隆慶初巡
按山西俺答陷石州將士捕七十七人當斬纁訊得其誣
釋者殆半靜樂民李良雨化爲女纁言此陽衰陰盛之象
宜進君子退小人以挽氣運上嘉納之萬曆中爲戶部尙
書嘗以山西連歲荒賴社倉獲濟請推行之天下以俸供
爲糴本不足則勸富人或令民輸粟給冠帶上稱善纁仕
至吏部尙書卒謚莊敏

王世貞字元美太倉人生有異稟書過目終身弗忘嘉靖二
十六年進士隆慶中繇浙江右叅政晉山西按察使有廉
能聲母憂歸萬曆中仕至南京刑部尙書二十一年世貞
始與李攀龍協主文柄攀龍卒獨操其柄二十年才最高
地望最顯其續五子篇則陽曲王道行爲首云

劉奮庸洛陽人嘉靖三十八年進士穆宗初以裕邸舊恩爲

尚寶卿隆慶六年三月疏譏大學士高拱附拱者謂奮庸
久不徙官怏怏風刺被謫兩月神宗卽位擢山西提學僉
事秉義甚高量復弘遠視諸生如子弟晉寺人如辟疆園
者數處雖掃徑延之不往也其耿介又如此

薛亨字道行韓城人隆慶間進士授戶部主事督餉賦金粟
各半屬當欵貢又戍卒築堤當倍給議加賦執不可裁甲
馬芻秣溢額者大司徒嘉其能著爲令改兵部武選司擢
山西提學僉事教先德行而後文藝以齋膳之美置學田
周士不給者遷副楚憲過家以其祿爲宗人輸租置義田
義學義塚旣入楚正經界繩兼并商無濫出吏無橫斂民
困大蘇冬如京師計吏斥虎冠若而人寬小吏斗食以下
不問遷四川叅政奉檄問播寇楊應龍罪錮之應龍詭以

征倭自贖當事者訛法許之陰行金於亨家亨以聞兩臺
言寇反覆以早爲備後數年播事潰裂卒如其言遷按察
使治汾州強宗斂手受要束乃增陴浚隍請陞州爲府彈
壓之平獄數十百人遷河南轄汰筦庫宿弊爲忌者所議
坐罷歸署所居堂曰敬忍於世事一無所問

宋應昌號桐岡會稽人嘉靖乙丑進士初授絳州歷陞山西
副使精心救荒禱雨用春秋繁露法有奇應龍見於甕及
猗氏壇井中鱗角皆具蒲州水嚙城城圯操文祭之水驟
落三尺其他編審義倉鄉約保甲上下安之後陞河南左
叅政終工部右侍郎改右都御史經略乞歸

李采非字君采號臨江河間人嘉靖乙丑進士由行人歷陞
山西行太僕寺卿整飭寧武邊備山西布政司叅政分守

冀南道累晉右副都御史巡撫山西在晉久於閭閻疾苦
長吏賢不肖邊關隘塞夷情向背如燭照數計故諸措注
無弗當機宜協輿情者未幾罷歸

侯於趙字宗度嘉靖乙丑進士授平陽府推官清介執法多
所平反歷陞山西左布政未幾擢都御史巡撫本省時以
順義王俺答物故部落內鬩於趙慮有意外多方宣諭陰
爲練兵儲糧之計邊方賴以無虞以母憂去家居十四年
而卒

李國士字汝志號正屏亳人由進士歷陞陝西右布政晉山
西左布政使藩祿邊餉積弊一清直指惡其抗直以老聞
部方擬調而國士拂衣歸絕口不及世事嘗語諸子曰吾
官三十年未嘗枉一事私一錢凡歷任不爲前人玷不爲

後人危爾曹其識之

郭子章號青螺江西泰和人進士萬曆初山西按察使甄別
廉貪辨明冤抑尤留意風教禁侈靡汰浮食抑強宗懲橫
暴悍卒驕弁皆祇畏歛跡一路肅清時手著聖門人物志
十二卷刊頒諸生以示觀摩尋陞去後巡撫兩廣以邊功
晉兵部尚書

沈子木字汝楠歸安人嘉靖己未進士萬曆乙酉陞山西右
布政使丙戌轉左晉中大饑仿鄭俠繪流民圖奏上得捐
帑金十萬爲賑命吏治粥以飼餓人全活者甚衆丁亥晉
右副都御史巡撫山西提督雁門等關軍務在晉三年緩
鞭扑戒浚削植羸困抑豪猾敦節儉下吏肅然其飭邊備
則修障殖穀明賞申約復屯政通鹽利清尺籍作士氣除

山西通志 卷八十一
戎器事事覈實制府上其功賜金綺者三入爲兵部右侍郎以父年及耄亟歸省後疏陳建文帝久缺祀不報時論躓焉終南京右都御史稱疾歸

王象坤字子厚山東新城人嘉靖四十四年進士萬曆中歷官山西左布政使有清操都御史溫純請顯陟一人以風天下謂莫如象坤云

孫維城號衛宇東郡邱縣人隆慶辛未進士壬辰以治行第一陞山西按察副使晉叅政又晉按察使寇小曾安兔恃驍健挾市龍門請以五千鐵騎待命關下維城知其虛實禁止之乃獻出邊屬夷自贖毋敢挾市幕府上其功晉右布政使移守宣府與中丞同心共事謀畫相叅夷人關市乞賞一切裁以故事一餅一鬻不得浮子歲積撫賞羨金

十四萬及軍市租五千皆充年例將吏悅服遷布政庚子寇延綏進僉都御史開府榆林以疾卒於軍

呂坤字叔簡號新吾河南寧陵人萬曆甲戌進士授襄垣縣知縣襄垣劇尙嚴明期年調大同大同貧尙撫字培植善良裁抑豪橫兩地甚德之先是襄垣土豪某被坤大創去之日送數百里謝曰蒙創誨今而後不復犯法矣知大同時有以人命坐抵以其姻鄰邑大紳向坤言之坤言獄已成不可反其不受請託如此陞吏部主事轉郎署出爲山東叅政陞山西按察使陝西布政旋陞山西巡撫正己率屬自藩臬及承差吏胥皆有明職條約餽遺贖羨盡杜絕之尤加意蒙養孤煢無依者復嚴邊防迄後遵成法不廢尋轉兵部左侍郎引疾乞休歸卒贈刑部尙書賜祭葬

李維楨字本寧湖廣京山進士由庶吉士授給事中歷提學副使所至有聲萬曆間陞山西按察使明斷如神不事苛刻每以弼教明刑爲心敦請耆儒纂修山西通志親加考核當時稱爲信書終南京禮部尙書文章詞賦與中原七才子先後齊名著大秘山人集行世

魏允貞字懋忠南樂人萬曆五年進士二十一年以右僉都御史巡撫山西允貞素剛果清操絕俗以所部地瘠民貧力裁幕府歲供及州縣冗費以其銀數萬繕亭障建烽堠置器市馬易粟又奏免平陽歲額站銀八萬以所省郵傳羨銀補之雁門平定軍以逋屯糧竄徙奏除其租招令復業岢嵐互市省撫賞銀六萬汾州有兩郡王宗人與軍民雜處知州秩卑不能制奏改爲府時以欵市弛邊政獨勤

視要害築邊牆萬有餘丈政聲大著上亦數嘉其能會詔中官張忠採礦山西抗疏極諫不報已西河王知燧請開解州安邑絳縣礦以儀賓督之指揮王守信請開平定稷山諸礦允貞恐民愈擾請令忠兼領亦不納又請召還王家屏等疏留中以久次晉左副都御史中官孫朝復以權稅至每事裁抑會忠杖死太平典史武三傑朝使者逼殺建雄驛丞李逢春又抗疏暴其罪朝怒劾允貞抗命沮撓時先下朝疏吏部尙書李戴都御史溫純等力稱允貞賢請下允貞疏平議並留中軍民數千人恐允貞去相率詣闕懇寬兩京言官亦連章論救乃兩置之明年忠以夏縣知縣袁應春抗禮劾貶之允貞請留應春不報時疏乞侍養二十上廷議以敕使害民非允貞不能制固留之五月

山西通志 卷八十一
請益力始聽歸士民爲立祠已閱視者奏守邊勞卽家晉
兵部右侍郎尋卒天啓初追謚介肅

吳仁度字繼叔金谿人悌之子也萬曆十七年進士累遷右
僉都御史巡撫山西砥廉隅務慈愛與魏允貞齊名仕至
工部左侍郎致仕卒

周繼昌江南無錫人萬曆間以進士督學山西風儀超朗植
性剛明閱文高下悉當遇諸生訓誨調濟有如子弟至有
弗檢立繩之法晉藩欲以威命凌一生力持獲免郡邑長
吏善教養士者甄異之摧抑者訶斥之言不近名行不偶
俗僚屬擬其人有雲霄品格金玉文章之語公始督學楚
凡三校士始終謝請囑嘗諭諸生以方今公道惟有文衡
一事因指天日明心轉楚叅議不赴歸

沈人种嘉定進士萬曆間分巡冀寧道修理城池均平地糧
定襄士民甚德之

麻溶宣城人進士萬曆間以戶部郎中分守冀南道性甘淡
薄善於判訟改府創學調停得宜大有功於汾陞河南右
布政

賀邦泰丹陽進士萬曆間分巡冀南道寬厚中有執持以文
學調本省提學歷官廉使

霍維蓋曲周進士萬曆間分巡冀南道旌節孝戢強橫以正
人心移風俗爲急務人咸以古君子稱之

侯世卿武強進士萬曆間分巡冀南道實心爲民值大歉開
廠煮粥借無礙官銀乞糴於河東以平價全活甚多累官
布政使

山西通志 卷八十一
龍膺字綸隱湖廣武陵進士博學有才幹長於詩詞萬曆間分守河東道絕饋遺禁贖鍰除暴安良每所履州縣進父老諸生誨以孝弟力田之義夜輒潛至城頭察有讀書聲及紡績聲次日卽給以燈油之費聞有酗酒肆惡者大爲懲創兇暴屏跡良善鼓舞轉寧武道修理邊墻興起學校百廢俱舉改甘肅道陞太常寺卿

王三才蕭山進士萬曆間督學副使文名擅海內居心廉介以空缺銀兩置儒學常平倉以濟寒士又創建太原平陽考場歲省千金陞本省叅政

梅友松內江人進士萬曆間分守河東道練達吏治洞徹人情除奸貪疏寃滯機略雄沉兵民感服累官總督宣大軍務

趙耀掖縣進士萬曆間分守河東道清嚴狷介人不敢干以私累官遼東僉都御史

詹思虞常山進士萬曆間分守河東道新學校以造士改教場以練兵強幹有爲遠近瞻望其風采

喬學詩東阿人進士萬曆間分守河東道興廉懲貪愛民作士每以篤誠醇正率下人亦不敢欺陞廣東布政

陳儒新建進士萬曆間分守河東道持已清嚴風紀振揚豪強斂跡境內肅然陞雲南叅政

張夢鯉萊陽人萬曆間糧儲道督通省田糧派有額徵如期革櫃頭爲官收之例晉民稱便後任右轄董理鑄錢其利大行纂修賦役冊書悉出手裁永爲經制後任左轄各屬進解京邊銀不入司祇以文檄相轉給宗祿均鹽鈔省班

價不餽一毫餘羨咸稱頌之

趙文炳任邱進士萬曆間巡按摧強抑暴豪惡屏跡官僚望
之凜然時有督稅監居省會甚暴橫文炳箝制之不敢肆
時有鐵面之稱行日不持一錢捐贖金萬餘散郡邑立養
廉倉收息以賑寒士

呂三才山東臨朐進士萬曆間山西督學道閱文知人心術
及富貴貧賤功名遲速歷歷不爽戊午科榜中式皆試文
評語有中字者士子稱為神明陞本省叅政

朱爵開州人為吏科給事中諫三王並封劾輔臣趙志臯張
位私同年羅萬化為吏部坐謫山西按察司知事卒天啓
中贈太僕寺少卿

翟鳳翀字凌元益都人萬曆三十二年進士為御史抗疏極

論中官呂貴冉登邢洪罪謫山西按察司經歷與給事中
郭尚賓號一諫後為兵部右侍郎巡撫天津卒贈兵部尚
書

鄭國昌邠州人萬曆三十五年進士歷官山西叅政崇禎元
年以按察使治兵永平遷山西右布政使上官奏留之三
年正月殉城一門盡死贈太常卿賜祭葬蔭一子

麻僖慶陽人萬曆三十五年進士為兵科給事中四十五年
京察以僖倚附東林謫山西按察知事後仕至太常卿賊
陷慶陽不屈死

楊松河南衛人為御史巡皇城劾尚膳少監黃雄詐稱駕帖
鐫三級給事御史交章救不納謫山西布政使照磨萬曆
中終山西副使

山西通志 卷八十六 九
李徵宁任邱人萬曆三十八年進士歷官山西按察使罷歸
崇禎九年以殉難贈卹

白希繡延安人萬曆進士由魚臺知縣擢吏科給事中丰裁
稜峻廉隅自矢久之出爲叅政陞山西巡撫都御史墨吏
望風解組

蔡復一字敬夫同安人博學善屬文萬曆二十三年進士光
宗時爲山西右布政使清介自持天啓中總督貴州雲南
湖廣軍務卒橐無遺貲謚清憲

王豫立字定父涇陽人萬曆間進士歷稷山嵩縣知縣政績
卓然擢南京刑部主事改北禮部爲儀制司諸藩襲封事
代藩寵妃欲以支子易嫡謀已就獨豫立不從兩疏請之
始得正名後襲爵之儲以魚鮓藏金三千金報謝豫立啓

鮓見金卽叱來人驅之門外竟不報函尋備兵霸州轉山
西平陽道擢按察使正己率屬墨吏猾胥皆爲斂跡陞河
南左布政使出納惟允百弊釐革無何有南光祿卿之命
束裝旋里時璫燄方熾上疏請休熹宗執疏叠念曰廉官
廉官不准辭而豫立再疏請休益懇堅臥不起自是悠游
林臯者十年調急恤難施予不倦鄉人咸德之

文翔鳳字天瑞陝西三水人萬曆庚戌進士天啓間以副使
提學山西力振晉人萎蕪之習以劾魏璫回籍卒翔鳳以
辭賦爲專門純學覃思腐毫必欲追配古人詩離奇昇兀
可與劉義馬異鬪險今三晉士振奇者猶多祖其習云
曹暹岐山人天啓間進士任猗氏知縣民感其德巡按江淮
振厲風采允稱鐵面叅議冀寧平晉藩之亂釋久沉之寃

山西通志 卷八十一
及告歸寇攻岐城出夙養丁壯守禦賊喙駭而去岐城賴
曹以安全

來復字伯陽陝西三原進士天啓初分巡河東道文武長才
經濟偉略時將多事預爲城守計所歷州縣必驗臨城池
督責修理後十數年流賊入晉平陽諸城不爲賊陷者皆
復力也歷陞布政使所至治行卓越復穎悟過人文詞琴
奕書繪皆臻其妙卽醫卜星占靡所不精至不拜魏祠人
尤稱之

鄒嘉生直隸武進人萬曆間進士重氣節有操守不肯附人
崇禎初山西按察使釋繫囚辨冤抑不事苛察光明正大
人不敢欺至革淫詞禁侈汰風紀振肅吏畏民服

祝徽江西臨川進士崇禎初山西巡按懲貪興廉法紀振肅
禁饋遺却贖羨以銀令各州縣存百兩爲養廉資本性
好題咏所履州縣公署多親書聯額

藺剛中字坦生陵縣人崇禎四年進士繇南京給事中遷山
西副使甫涖任流賊入城被執說之降大罵曰豈有藺坦
生屈膝求活者乎賊殺之首旣墮復躍起丈餘賊皆辟易
吳牲字鹿友揚州興化人萬曆四十一年進士崇禎七年九
月召對稱旨繇大理寺丞超擢右僉都御史巡撫山西牲
歷陳防禦邊寇練兵卹民四難及議兵議將議餉議用人
四事每歲暮扼河防秦豫賊連三歲無一賊潛渡以間修
築邊墻八年四月上疏言晉民有三苦一苦凶荒無計餬
口一苦追呼無力輸租一苦殺掠無策保全繇此悉爲盜
請蠲最殘破地十州縣租上卽勅議行戶部請稅間架力

爭不聽秋以朔忻代之役鐫五級宣大總督楊嗣昌大同巡撫葉廷桂鐫三級俱戴罪視事部議開山西礦極陳五害寢之山西大盜賀宗漢劉浩然高加計皆前巡撫戴君恩所撫擁衆自恣姓陽爲撫慰而密令叅將虎大威劉光祚等圖之以次皆被殲牲行軍豎二白旗脅從及老幼婦女跪其下卽免死全活甚衆在晉四年軍民戴若慈母謝病歸後仕至東閣大學士

曹文詔大同人勇毅有智略崇禎中爲延綏副總兵賊渠王嘉印久據河曲四年四月克其城嘉印南走追斬之陽城南山又擊斬點燈子於稷山擢總兵官五年關中巨寇略盡賊見陝兵盛多流入山西其魁紫金梁混世王姬開鎖八大王曹操闖塌天興加哈利七大部多者萬人少亦半

之蹂躪汾州太原平陽御史張宸極言賊自秦中來秦將曹文詔威名夙著士民爲之謠曰軍中有一曹西賊聞之心膽搖且嘗立功晉中而秦賊滅且盡宜勅令入晉協勦於是令陝西山西諸將並受節制六年正月敗賊於霍州孟縣壽陽二月斬混世王於碧霞村又敗賊於方山臺孟忻壽賊盡平巡撫許鼎臣命軍平定備太原東張應昌軍汾州備太原西文詔連敗賊太谷榆社太原賊幾盡上以文詔功多勅所過地多積糗糧以犒并勅文詔速平賊監視中官劉中允言文詔勦賊徐溝孟定襄所司不給米反以砲石傷士卒卽下御史按問閏三月又大敗賊於澤州賊走自沁水潛師邀擊之斬首千餘四月夜半禦賊於澤之潤城斬千五百級又敗紫金梁老回回于武鄉過天星

於高澤山又敗賊於黎城五月遣中官孫茂霖爲內中軍
又敗賊於沁水擒其魁大虎又敗之遼城毛嶺山西賊旣
累敗乃避文詔鋒多流入河北命移師往討初文詔在洪
洞忤里居御史劉令譽及是令譽按河南語復相失文詔
拂衣起而叱之令譽遂以石柱土官馬鳳儀之敗劾文詔
部議調大同七年七月全懷仁城十一月與制撫並充軍
邊衛山西巡撫吳甡薦文詔知兵善戰請用之晉中乃命
爲援勦總兵官立功自贖時部議勅馳勦河南甡抗疏力
爭請令先平晉賊後入豫不許而文詔以甡有恩取道太
原爲甡所留會賊高加計已殲乃整兵南八年六月戰歿
於陝真寧之湫頭鎮贈太子太保左都督建祠春秋致祭
文詔忠勇冠時稱明季良將第一其歿也賊中爲相慶云

艾萬年米脂人繇武學生從軍積功至神木叅將崇禎四年
從曹文詔復河曲又從文詔連敗賊點燈子於桑落鎮花
地窟露露山五年山西告警又隸文詔東征與李甲一月
奏五捷又與賀人龍敗八大王掃地王兵六年賊將東遁
連破之延家山亢義村賈寨村擢副總兵七年正月捕殺
王豹五與其黨領兵王生擒翻山動姬開鎖掌世王給事
中張第元請錄萬年功萬年適以疾歸後戰歿於寧州之
襄樂

虎大威榆林人勇敢嫻將略累官山西叅將崇禎三年冬從
總兵尤世祿擊王嘉印於河曲力戰被傷五年從總督張
宗衡勦賊陵川潞安陽城沁水連勝之六年殲九條龍於
介休又自阜落山東入屢敗賊尋移守平陽七年巡撫吳

姓察諸將中惟大威與猛如虎沈毅可屬兵事委任之冬
扼賊渡河八年三月射殺高加計姓薦大威如虎二人忠
勇晉大威副總兵冬以扼賊功加署都督僉事十年春代
王忠爲山西總兵官疏言諸將討賊零級不可取生口不
可貪封域不可限上採納之十一年兵部甄別以稱職增
秩十四年中砲死於汝寧大威爲偏裨最有聲卒死王事
猛如虎塞外人家榆林積功至遊擊崇禎五年敗邢紅狼解
高平圍六年敗姬開鎖於壽陽又從曹文詔斬混世王破
來遠寨范村賊又擊殺九條龍勦交山臯樂山賊山西警
漸息七年馘五條龍於沁源如虎驍果善戰與虎大威齊
名許鼎臣戴君恩吳姓相繼爲巡撫並委任之以功晉叅
將冬扼河濱八年二月斬劇賊高加計山西賊盡平姓薦

加副總兵冬以防河功加署都督僉事連歲防河及援勦
河南勞績甚著十四年南陽陷衝擊賊堪死

袁繼咸字季通宜春人天啓五年進士崇禎七年春爲山西
提學僉事子身赴任較閱公明聲望大著巡撫吳姓薦其
廉能請加優擢而巡按御史張孫振以請屬不行銜之特
疏誣繼咸贓私事上怒逮繼咸責姓回奏姓極稱繼咸賢
斥孫振誣詆諸生聞繼咸逮羣隨至都伏闕訴冤繼咸亦
列上孫振請屬狀及其贓賄數事都察院言孫振倒置是
非大負巡方職有詔逮訊繼咸得復官孫振坐謫戍天下
快之繼咸後爲兵部右侍郎兼右僉都御史總督江西湖
廣應天安慶軍務駐九江殉職

宋統殷山東卽墨人崇禎間以進士任山西巡撫時流寇蜂

山西通志 卷八十一
起統殷親督師擊於長子勝之賊走沁水犯竇莊爲里人
張道濬所扼賊窘甚又聞秦師且至因號呼壁下求撫張
令還所掠散遣徒黨當爲言撫軍貸爾死賊如命拔營而
西咸就約束惟八大王闖塌天五營不受統殷偵知之引
師襲其營賊渡河而南次年復來統殷與王兵備肇生遏
之陵川賊至殊死鬪互有勝負會夜與賊爭險對營兩山
頭賊由間道潛出其上大譟師遽潰統殷與王俱走適張
總督宗衡駐高平統殷以師畢會大破賊於桑子鎮賊復
走沁水未幾解任去以許鼎臣代之
田時震富平人天啓二年進士崇禎中忤吏部尚書王永光
爲山西左叅議就遷至右叅政罷歸十六年冬流賊陷富
平不屈死

吳阿衡裕州進士崇禎間分守河東道偉質長才威望素著
盜賊遠遁地方安靖累遷薊遼總督殉難

汪喬年字歲星遂安進士崇禎間分巡河東道布袍蔬食自
處儉約視民疾苦不啻身受精明練達人不敢欺常行部
黃有安設豐厚者曰值此民窮財盡之時做官當爲國惜財
爲民惜命無論其他只此一盆火可當中人數日餐盡令
撒去一時貪墨者皆爲歛輯未幾陞陝西提學累官總督
征李自成死於陣

都任字弘若祥符人萬曆四十一年進士崇禎中爲山西按
察使性剛毅多忤物月朔諸僚約同朝晉王任曰會典朔
望朝王惟都布二司不及按察按察得糾舉非法奈何與
守土者同朝執不行巡按御史張孫振誣劾提學僉事袁

山西通志卷八十一
繼咸任數慰問繼咸贐其行孫振中以大計貶職歸後飭
榆林兵備十六年殉城

許鼎臣江南武進人崇禎六年以進士任山西巡撫鼓勵將
士誓掃寇氛適沁水張道濬設伏三纏凹中生擒賊首滿
天星等鼎臣爲獻俘闕下並奏功第一爲當時勸已而部
議鼎臣駐汾州統苛嵐寧武諸軍凡汾太遼沁三十八州
縣有盜倣卽以責之

黃世清字澄海滕縣人崇禎七年進士累官山西冀寧道僉
事遷商雒道十六年十月殉城贈光祿卿

王肇生山東掖縣人崇禎間以舉人累官分巡冀南道英爽
有胆略練習兵事陵川賊馬小懷作亂親督將士入險阻
搗其巢賊驚潰因議設叅將以資彈壓壬申流寇將自河

南入請兵撫軍扼其衝復與監軍焦浴總兵曹文詔和輯
兵民俾無騷擾三人雅相善生平虛懷延攬念軍興之際
當爲國家收羅奇材異能凡劍客力士有片長者輒結納
恐後以勞卒官士民立祠祀之後贈光祿寺卿

蔡懋德字維立崑山人幼志聖學篤好王守仁書舉萬曆四
十七年進士崇禎十四年十二月爲右僉都御史巡撫山
西召對稱旨賜酒饌銀幣十五年春蒞任大盜王冕等爲
亂討平之總兵徐定國援河南潰而歸懋德定其亂十月
統兵入衛畿輔詔扼守龍泉固關二關而賊已陷河南將
犯平陽境急馳河上禦之數月至十六年冬賊入潼關陝
西盡陷自蒲州北抵保德二千餘里悉與賊鄰恃黃河爲
限窮冬冰合賊騎得長驅懋德連章告急請禁旅及保定

宣府大同兵馳赴河干合拒中朝亦以山西爲憂廷臣請防河者甚衆然無兵可援總兵周遇吉鎮寧武僅得自顧宣大總督王繼謨奉命防河亦不至懋德以疲卒三千當數十萬強寇日奔走平陽汾州間猶屢挫之大慶鳳陵吉鄉諸渡十二月岢嵐保德俱告警太原洶洶晉王手書趣懋德還懋德不得已分兵守二郡以十八日去平陽越三日賊卽渡河副使李士焜知府張嶙然等棄城先遁俄復還越二日李自成至嶙然迎降平陽遂陷十七年正月巡按御史汪宗友劾懋德不待水泮遽還太原致名城淪覆詔奪官候勘以郭景昌代之懋德先遣兵拒賊而屬城盡陷反拒官軍乃與布政司使趙建極諸監司毛文炳藺剛中畢拱辰太原知府孫康周署陽曲縣事長史范志泰等

大集城中人誓以死守懋德哭衆皆哭聲震原野罷官命適至或請出城候代懋德不可曰吾已辦一死矣景昌卽至吾亦與俱死是月晦游騎抵近郊自成知懋德賢遣使招諭曰撫軍若降吾且大用懋德憤立火其檄斬使人頭懸城上二月五日賊悉衆薄城遣部將牛勇朱孔訓王永魁出戰俱敗歿六日自成具僞鹵簿督衆力攻城上發砲擊之賊多死七日晝晦大風拔木飄瓦終夜不息守者皆仆懋德知不能支預草遺表時調陽和兵三千協守剛中慮其內應移之南關外果叛降賊而部將張雄者守新南門與賊通懋德召中軍副總兵應時盛謀將調雄守大南門未幾雄縋城出降語其黨曰城東南角樓貯火器火藥我下卽焚樓樓焚守者悉走賊乘勢登城懋德北向再拜

山西通志 卷八十六
出遺表授贊畫知縣賈士昌命其間道奏聞拔刀自刎爲
麾下所奪時盛請下城巷戰遂扶上馬時盛持矛突殺數
十人至炭市口賊騎充斥時盛呼曰且擁公出西門懋德
遽下馬曰我當死封疆汝輩可自去衆復擁懋德上馬至
水西門懋德叱曰汝輩欲陷我不忠耶復下馬據地坐時
盛已出城還顧不見復斫門入曰請與公俱死遂偕至三
立祠懋德就縊未絕時盛釋甲加諸肩乃絕時盛再拜訖
卽去弓弦自勒死

趙建極河南永寧人萬曆四十七年進士賊掠永寧五子皆
死累遷山西布政使流賊入城危坐公堂賊擁至晉王府
欲授以官叱曰我天朝方伯乃仕賊耶李白成令曳出斬
之下階連呼萬歲曰臣失守封疆死有餘罪自成以爲呼

已也曳還問曰旣呼萬歲何不受官建極厲聲曰我呼當
朝主上寧呼賊耶大罵自成立殺之趙氏一門竟絕

陳純德字靜生零陵人舉崇禎十三年進士年已六十矣莊
烈帝召進士咨時事立擢御史十四年巡撫山西感上知
盡心職業七月部內嚴霜八月大雪民多凍餒疏請恤因
極陳抽練之弊後督畿輔學政十七年三月二十一日殉
職

畢拱辰字星伯掖縣人舉進士繇淮徐兵備僉事移冀寧被
賊執賊適得新刀拱辰睨之問何睨曰欲得此斫頭耳賊
遂取斬之

毛文炳字夢石鄭州人繇進士歷知壽陽榆次縣繇吏科給
事中出爲山西兵備副使爲流賊所執誘以官不從抗罵

數日被殺妻趙妾李亦投井死子兆夢甫數歲被掠去士民以忠臣子贖而歸之

周遇吉錦州衛人少有勇力好射崇禎中累功至京營前鋒營副將加太子少保左都督十五年冬山西總兵官許定國論辟以遇吉代之至則汰老弱繕甲仗練勇敢一軍特精十六年十二月李自成陷全陝將犯山西遇吉以沿河千餘里賊處處可渡分兵扼其上流以下流蒲坂屬之巡撫蔡懋德而請濟師於朝遣副將熊通以二千人來赴十七年正月令通防河會平陽守陳尙智已遣使迎賊諷通還鎮說降遇吉叱之曰吾受國厚恩寧從爾叛逆且爾統兵二千不能殺賊反作說客耶立斬之傳首於京至二月七日太原陷懋德死之賊遂陷忻州圍代州遇吉先在代

遇其北犯乃憑城固守而潛出兵奮擊連數日殺賊無算會食盡援絕退保寧武賊亦踵至大呼五日不降者屠其城遇吉四面發大砲殺賊萬人火藥且盡外圍轉急或請其言給之遇吉怒曰若輩何怯耶今能勝一軍皆忠義即不支縛我於賊於是設伏城內出弱卒誘賊入城亟下閘殺數千人賊用砲攻城圮復完者再傷其四驍將自成懼欲退其將曰我衆百倍於彼但用十攻一番進靡不勝矣自成從之前隊死後復更進官軍力盡城遂陷遇吉巷戰馬蹶徒步跳盪手格殺數十人身被矢如蝟竟爲賊執大罵不屈賊懸之高竿叢射殺之復齶其肉城中士民感遇吉忠義咸巷戰殺賊不可勝計其舍中兒先從遇吉出鬪死亡略盡妻劉氏素勇健率婦女數十人據山巔公廨登

山西通志 卷八十一
屋而射每一矢斃一賊賊不敢逼縱火焚之闔家盡死自成集衆計曰自此歷大同陽和宣府皆有重兵倘盡如寧武吾部下寧有子遺哉不如還秦休息圖後舉而大同總兵姜瓖降表至宣府表繼至遂決策長驅賊每語人曰他鎮復有一周總兵吾安得至此
應時盛遼陽人起家小校至都督僉事山西巡撫中軍副總兵慷慨仗義都御史中丞蔡懋德深倚之崇禎間闖賊犯太原勢危急部下士數人倡亂時盛廉得誅之誓衆死守賊帥陳某與時盛有舊於城下誘降時盛以神鎗擊中賊衷甲帥嚙指而退城陷復下城巷戰突殺數十人賊騎克斥知不能免遂同中丞至三立書院曰請與公俱死先扶蔡就縊北向再拜引弓絃自絕

國朝

馬柱國遼東人順治元年巡撫山西時流寇據太原城八月死亡以數十萬計遺黎略無生意柱國統兵至一鼓破之搜餘孽殆盡始入城輒督兵登陴俾無得入民室安集撫循民稍復業時客兵亟往返供億滋衆柱國先具牛酒迎郊外慰諭再四俾無譁無掠以驚殘氓雖征調頻仍而里閭若不知有兵垂二年遷陽和總制以去

黃徽孕福建晉江人順治元年以進士巡按山西時三晉初定民多竄居山谷徽孕單騎入險阻慰諭俾復業先是闖逆據晉賦役業入強半至是特疏以聞凡偽官嘗徵者胥爲豁免而晉民之死義者胥以其狀上又嘗綜三晉情勢疏陳四事一曰薦遺佚以求錄用一曰立師儒以育賢才

山西通志 卷八十六
一曰禁許告以安窮黎一曰復站銀以蘇驛困疏入次第
舉行當時稱爲訐謨焉

孟喬芳字心亭其先永平人世襲東勝衛指揮同知今歸化
城地也喬芳偉岍善騎射能以一矢墮雙雁爲刑部承政
兼梅勒章京管牛泉事順治元年帥師追賊李自成踰太
行定汾潞拔太原遂渡河入關以兵部右侍郎兼都察院
右副都御史總督三邊軍務大同降將姜瓖變其黨虞印
韓昭宣陷平陽號二十八萬七月喬芳引兵赴援馳赴潼
關賊兵拒河守乃佯置巨艦於上流伐鼓揚旗作欲渡狀
而夜率師從下流徑渡急擊之賊勢披靡戰且走四十餘
里比明抵蒲州賊迎敵喬芳督將士力戰殺賊七千餘人
賊棄城遁遣將復臨晉滎河猗氏解州又合兵圍運城城

破賊黨殲焉遂定平陽晉兵部尙書累加少保卒

贈太保賜謚忠毅

申朝紀遼東人順治二年巡撫山西下車糾劾墨吏十餘人
羣僚肅然站銀舊額一十五萬明季裁充餉驛費不足派
之里甲至二十萬有奇朝紀廉得其狀疏請仍歸正項驛
馬官牧養無得派民勒石郡邑至於清獄囚裁吏典禁胥
役私禁人犯革募夫簽報里民胥有實惠晉人立祠祀之
孫茂蘭遼陽左衛人順治四年以生員任山西布政使時朝
議以太原重地特令滿兵駐防所圈民地胥以廢藩土田
給之而屯丁多抗不予租民莫敢誰何茂蘭痛繩以法始
獲安本業滿兵間與民爭所司率分左右袒茂蘭用情理
訊之俾各厭其意以去兵民咸安泄任六年擢寧夏巡撫

山西通志 卷八十六 名宦 三
去之日攀轅泣送者不絕

祝世昌遼東人順治六年巡撫山西時姜逆作亂晉省震動世昌性激烈凡從賊者棄城者率竿諸城力請大兵殄滅需餉數十萬殫慮經畫軍有餘糧民亦不病科擾事平特疏請豁賦七百萬石徭十萬餘丁民獲少蘇無何病卒卒之日百姓巷哭後劉撫軍弘遇博採輿論謂死忠死事其義一也祀忠烈祠中

劉澤溥廣寧人順治間任分巡冀南道持重不擾得憲臣體姜逆之亂其黨沈遙應峰擁太行山中澤溥死之

贈光祿寺卿祀忠烈祠

劉弘遇遼東人順治七年巡撫山西時姜逆初平邨聚多蹂躪而逋賦如山積弘遇疏請豁民寢蘇又恤諸死事家建

忠烈祠祀之辛卯鄉試直指以艱愆期捐俸分給埃試士俾無寒餒壬辰饑遣使散賑復煮粥城中全活者衆修文廟鑄祭器立義塚設養濟院補城東南樓治宜春拱極迎澤門橋築堤以障汾流俾無嚙城實政次第舉而絕餽遺清衙蠹革市行尤爲拳拳旣去民懷其德建祠以報

劉嗣美河南陳留人順治九年以進士按山西性剛毅彈劾雖權貴不避巡部時微行訪民疾苦奸胥墨吏憚之弁卒曩占民室民惴惴不敢出一語嚴爲科條令胥出賃直草豆輸會城市黽緣典守以肆勒索廉得其狀立斃之飭州縣徵賦行易知單民便之其他懲蠹役裁徭夫甦驛困革行戶民胥感頌焉

班璉字華宇遼東廣寧人順治十二年以貢生分守河東道

山西通志 卷八十一
有才略夙著威望洩任初賊張五聚黨數千人盤踞夏縣山中時時鈔略爲民害璉遣人伺動靜具得要領因令偏裨於賊出沒地伏兵堵截而自統官軍啣枚疾走徑擣其巢賊嘗恃險阻且疑郡縣官之懦也不爲備驟聞官軍至遑遽出戰不能支奔逸四散又悉爲堵截者擒斬無遺自是民獲安枕後遷陝西莊浪副使道以去

李之芳字鄴園山東武定州人順治十六年以進士巡按山西貪墨吏多斂迹而措注鉅細務雅有條理古所謂清望公望者惟之芳克兼之尋以缺裁回道後爲浙閩總督平耿逆之亂累官大學士卒謚文襄

王庭字言遠浙江嘉興人已丑進士順治十六年任山西右布政性孤潔以冰蘖之操倡屬吏有晉謁者輒勗令牧養

百姓慎出納吏不得上下其手藩司甚煩劇庭處以清嚴內外肅然放衙後輒顧四歲孫握筆作大字灑然樂之尋以裁缺去庭工制義與熊伯龍劉子壯齊名晉人士多能誦其文者而閭巷亦歌思不輟焉

李進忠順治間任撫標右營中軍守備死姜逆之亂詔恤其家祀忠烈祠

董廷儒順治間任督標營旗鼓守備死姜逆之亂贈都司祀忠烈祠

穆臣滿洲人康熙十五年任山西按察使持法能平遇訟者輒以善言解之給銀米於獄必親詣按名以給在任四年劉元勳咸陽人順治己亥進士康熙間任山西糧驛道以養馬費有正供而晉皆民養嚴禁之委賑大同無漏無冒駐

山西通志 卷八十六
節地有槐一章民號爲劉公槐尋致政歸

巴哈布滿洲人康熙三十七年任山西按察使精敏習律例性仁恕持法能平而義所不可雖抗論大吏前不少撓尤加意作人立義學數十捐俸增修貢院號舍

聖祖仁皇帝賜清慎勤三字匾尋回旗三晉人至今懷之

李毓柱康熙間任分守鴈平道廉而敏有吏材遇屬吏以禮而不爲假借時微行訪奸猾繩以法諸郡邑疑獄未決能剖曲直恤三關士卒預支月給米而俾於附近倉庾載之
祀名宦

諾岷滿洲正藍旗人性耿介任戶部時稽覈有法雍正元年以署工部右侍郎巡撫山西先是州縣侵那錢糧者甚多岷力爲振刷相地之繁簡與員之能否互易其位以相鈞

敫月要歲會胥吏無所售其奸宿弊一清正已率屬吏治民氣肅然改觀在任一年零九個月以移疾去

河東鹽運司

西魏

辛慶之隴西狄道人少以文學徵對策第一大統中周太祖東伐爲行臺左丞時初復河東以本官兼鹽池都將四年東魏攻正平郡陷之遂欲經略鹽池慶之守禦有備乃引軍退河橋之役大軍不利河北守令棄城走慶之獨因鹽池抗拒彊敵時論稱其仁勇六年行河東郡事九年復行河東郡事慶之本性儉素志量淹和有儒者風度拜秘書

監卒

隋

山西通志

卷八十六 名宦

七

姚暹大業中爲都水監先是鹽池患客水暹濬永豐舊渠兼築堤堰自安邑楊家莊西至臨晉五姓湖以入於河客水有所歸至今名其渠曰姚暹渠

唐

裴諝字士明聞喜人寬子大曆中爲河東租庸鹽鐵等使時關輔大旱諝入計代宗召見便殿問諝權酷之利二歲出入幾何諝久之不對上復問之對曰臣有所思上曰何思對曰臣自河東來其間所歷三百里見農人愁嘆穀菽未種誠宜軫念問人之疾苦而乃責臣以權酷孟子曰理國者仁義而已由是未敢卽對也上前坐曰微公言吾不聞此拜左司郎中歷東都副留守卒贈禮部尙書

韋縱貞元十一年以大理評事知安邑縣鹽池事明審善斷使自是課入歲倍用度賴之

羣情帖服祀名宦

司空輿爲度支判官工部侍郎領度支盧弘正以兩池鹽法久弊得費不相償使輿檢鉤釐正條上新法卽表爲兩池使自是課入歲倍用度賴之

陸位以職方郎中兼侍御史總解鹽池有政績聞於朝

馮興以詹事司直知解州鹽池平直守制阜財有經

韓重華朗州武陵人歷兩池榷鹽使度支使盧坦表爲代北水運使開廢田列壁二十益兵三千歲收粟二十萬石後爲左金吾衛大將軍與甘露之難

後周

張崇祐廣順二年爲解州刺史兩池榷鹽使多規畫鹽池利害顯德二年改德州又改澤州後在泗州勸李重進舉義

山西通志 卷八十一 六
被害

宋

范祥字晉公邠州三水人第進士歷官陝西曉達財利建議變鹽法後人不敢易稍加損益人輒不便以提點陝西路刑獄制置解鹽累遷度支員外郎權陝西轉運副使坐城啞兒峽削一官後復官提舉陝西緣邊青白鹽改制置解鹽使卒嘉祐中包拯言祥通陝西鹽法行之十年歲減權貨務使緡錢數百萬其勞可錄官其子孫景郊社齋郎熙寧中張詵又言古渭宜建砦詔贈秘書錄一子未官者包拯字希仁廬州合肥人第進士累官陝西轉運使入爲三司戶部副使解州鹽法率病民拯往經度之請一切通商販後以龍圖閣直學士權知開封府貴戚宦官爲斂手拜

樞密副使卒謚孝肅拯性峭直惡吏苛刻務敦厚雖甚嫉惡而未嘗不推以忠恕也平居無私書嘗言後世子孫仕宦有犯賊者不得放歸本家云

薛向字帥正萬泉人祖廕入官神宗時權陝西轉運副使制置解鹽足支十年而歲調哇夫數千向奏損其數昭陵復土用錢糧五十萬貫石三司不能供億向舉所闕之數以獻坐事罷數月復爲陝西轉運副使晉使厚陵役費其助如永昭時凡將漕八年所入鹽馬芻粟數累萬民不益賦其課爲最坐事罷知絳州移潞州神宗知向才累擢至同知樞密院出外卒謚恭敏子嗣昌亦用吏材奮嘗以緩猷閣待制知太原府

孫永字曼叔長社人第進士歷陝西都轉運使時邊用不足

以解鹽市馬別爲一司外臺不得與永奏鹽馬國之大計使主者專其柄既無以統隸苟爲非法孰得而制之元豐中知太原府忻代產鹽苦惡不堪食轉運必欲理之以盜販闖越之罪罪兵吏永言鹽民食也不可禁兵武備也不可闕顧以惡鹽累防兵非計也詔弛其禁元祐中加資政殿學士卒謚康簡

李綽元祐間爲解令兼鹽事自王峪口築堰防池繇東而北至苦池灘排條山諸谷之水并白沙泛濫之水胥繇池以達於渠後人因名其堰曰李綽堰

趙賀字餘慶開封封邱人舉毛詩及第爲大理評事鹽池吏欺緝錢選賀往解州鈎校出入悉得其奸仕至給事中卒賀精明吏不敢欺人目爲趙家關謂如關梁不可越也

元

姚行簡太宗癸巳命修理鹽池損壞丙申繪鹽池圖獻於上上可之乃立司於池之北澣曰路村仍命行簡專掌鹽賦趙炳字彥明惠州灤陽人至元九年爲京兆路總管時以解州鹽賦給安西王府經費歲久積逋二十餘萬緡有司追理僅獲三之一民已不堪炳密啓王曰十年之逋責償一日其孰能堪與其哀歎病民孰若惠澤加於民乎王善其言遽命免徵焉

與屯茂大德時任河東運使建學課士河東運學始於此高昌閭閻至正九年任鹽運使有善政嘗復解鹽西場均鹽利州人思其德爲立碑頌之那海德俊至正時擢總河陝鹽使請於聖惠鎮修築鳳凰城

山西通志 卷八十六 名宦
三

卽今運城也
卜顏鐵木兒爲運使嚴緝私販課獲充鹽丁撈採禁役無得
高侵擾焉

護廩實司鹺有惠政均派鹽丁車戶時有造船垣山二役免
本鎮人不與賣零鹽止收官價交課鈔定鹽草價益鹽觔
數民便之

明

韓偉瑞安人永樂中太學生擢監察御史巡歷有聲陞河東
鹽運使以清慎見稱卒於官

王驥字尙德東鹿人剛毅有胆曉暢戎略中永樂四年進士
爲兵科給事中使山西奏免鹽池逋課二十餘萬尋遷山
西按察使後累官兵部尙書封靖遠伯卒贈侯謚忠毅

楊浩濟寧人繇鄉舉入國學除河東鹽運判官景帝建大隆
福寺嚴壯與大興隆並四年三月寺成尅期臨幸浩抗疏
切諫乃止聲藉甚累官延綏巡撫卒

孟淮博野人進士成化間河東鹽運使因池鹽旁行秦豫法
難盡行且占種奏討者多不勝掣肘之慮請如淮浙之例
遣侍御監臨積弊一清

王臣江西吉水人成化中以河東鹽法爲稅額所關懼滋弊
特設巡鹽御史臣以舉人膺命冰蘖自持悉心經畫具得
肯綮因爲築垣塹以防盜定額課以足邊歲甫周鹽政大

余舉及將代商民數千人匍匐闕下願復留得旨俞允以勞
嬰病卒商民建忠愛祠與鹽池之神並祀
張泰字世亨祥符人成化戊戌進士以御史監河東鹽課有

山西通志 卷八十六
勢要撓法爲奸疏劾去之巡按山西劾罪貪酷吏若干人
軍民稱快後晉右都御史總制三邊乞休命未下而卒
余光祔門人進士文望冠西臺著作高古視鹺河東剔弊釐
奸不畏強禦建正學書院加意作人雖童子亦擇師教之
張士隆字仲修安陽人弘治十八年進士正德六年爲御史
巡鹽河東劾貪吏鑿平青石槽又建正學書院興起文教
後爲陝西副使卒

胡瓚餘姚人進士弘治間運司同知才識敏練時場積餘鹽
官民俱苦之瓚建議奏請改派稱兩便焉中場收放鹽課
多則病民少則病商瓚一歸於平後致政去

胡止羅山人進士正德六年以監察御史巡鹽河東方肅鹺
事適流賊擾亂所至屠掠將至運城運人以城陋欲潰止
曉以忠義治兵繕城爲死守計賊聞有備不敢近士民賴
以安堵立祠祀之

朱裳字公垂沙河人受學崔銑登正德九年進士擢御史巡
鹽河東錢寧遣人牟鹽利禁不予累官總理河道卒謚端
簡

盧煥光山人進士嘉靖間巡鹽嚴重有方略稱名御史西姚
劇賊聚衆盜鹽爲蠹煥不動聲色而靖之興起人文三省
皆蒙教澤學校誦之不衰

伍全安福人進士嘉靖間鹽運使饒有幹濟每見鹽場掣支
強梁挽起懦者被凌躒乃分定車戶派以三場序以六班
魚貫出入衆論翕然稱便

李章四川長壽人進士嘉靖間鹽運使性寬而政和每值採

山西通志 卷八十六
鹽民私相謂曰勿情恐李使君知之不日而數盈焉
劉勳潛江人嘉靖間任運同清而勤戴星掣放無倦色
喻時光州人進士嘉靖間巡鹽時奸民誘宗室亂法者立置
之法興風雨雷雲之祀課士多成名

尚惟持羅山進士嘉靖間巡鹽自奉節儉官方肅清商人以
時掣支私販一切斷絕故一年而徵十年之逋修書院立
社學建名宦鄉賢二祠周子衿之匱乏給老病之資藥瑞
鹽盛生禱雨多應人謂盛德所感

李楨新昌進士嘉靖間巡鹽時邊餉火急赤地千里楨體仁
行恕正鹽籍遏私販督撈採辦功罪徧喻所司緩刑薄賦
且於院前開道樹坊寓賑於役又有教育多士之功

周滋諸城進士嘉靖間巡鹽時值地震之後凡廟祠公署悉
爲修理池不生鹽已十載餘滋爲瀦水以養其源濬流以
潤其涸獲鹽十倍於昔且清池築堰雖藩府之怨不恤
王諍永嘉進士嘉靖間巡鹽抗直不阿有古大臣風以冰蘖
名堂蓋自砥也值大旱禱雨祈鹽引躬切責甘雨大霑鹽
花盛生時鄆茂卿爲嵩私人總巡天下鹽政盡括民財以
媚上欲加賦河東諍抗議而沮士民至今德之鄆至安邑
令治具看席三十餘諍大怒立命撤去務從儉約宴罷卽
具餞以促其行鄆屏氣而去

方啓參巴陵人嘉靖間爲運使節已勤民修城而一人不擾
掣引而三場均給葺禁垣捕私販民建祠以祀

詹瑩麻城人進士嘉靖間鹽運使幼有志行聘未婚而女失
明或謂宜改圖瑩曰我聘而改圖誰復聘者竟娶之是歲

擢巍科及爲運使多惠政每旱澇有禱必應又常修卓刀等堰裨益不淺

袁士偉肥城人進士嘉靖間鹽運使操守光大兼有通才在司值歲凶道殣相望嘆曰此非朝廷赤子乎乃悉召貧民給以工本令入池撈採課充數年而存活亦以萬計又增秩祀祭器

柳英巫山人進士嘉靖間鹽運使倜儻剛直除猾吏剔弊端勢要豪商莫不斂手屏氣監臨直指亦雅重之爲運使九年邊無匱餉囊無餘貲兩入覲皆以廉能課最郤永春長垣進士隆慶間巡鹽清祿糧以杜奸欺收硝池以弭私販題南陽以復舊轄興書院以羅人才疏河渠以通水利開南場以便撈採俱功之不可泯者

林祖述鄞縣進士萬曆間巡鹽慈祥篤實恤商裕國當開歸割版之日祖述知大司農已有成心置不與辨事平乃請減鹽課清壓待撈採以時緝捕有法公論多之

林國相閩縣人進士萬曆間鹽運使蘇商惠民尤加意於作人創義倉置學田以周貧士刻厚生纂訓問字錄二書行世

汪以時婺源進士萬曆間巡鹽刻意節儉一以鋤強字弱爲主餘鹽餘銀屢書執奏爲民請命省公用銀糴穀三千八百餘石爲賑饑民鹽丁之用又建太陽廟以補正祀之未及

陳于廷字孟諤宜興人萬曆二十三年進士爲御史視鹺河東劾權稅太監張忠撓鹽政後歷左都御史卒于廷端亮

山西通志 卷八十六
有守與溫體仁不合卒爲所擠

楊師程安寧人萬曆三十八年以御史巡鹽河東以清名著
建雨神廟

蔣春芳益都進士萬曆間巡鹽酌立嵯規可垂久遠新池廟
輯志書至今賴之

趙健劔州恩生萬曆間鹽運使姿性聰穎不爲左右所欺廉
介自持一毫不苟數十年餘猶有道其清者

孫可撰崇陽舉人萬曆間鹽運司同知存心仁恕才猷敏練
足國恤商人咸頌德

王世能宣城人萬曆間爲運使有惠政恐商困於催科不差
役滋擾親督採鹽商人獲利後卒於官商民思之

余彥誠德興人嘗知安陸州永州府當就逮民胥伏闕乞留

終河東鹽運使

王建中平湖人萬曆間由省中遷福建按察使謫河東運判
持已清廉凡興革大務如壓待進鹽運發遠商等事胥力
爭不爲勢沮

劉大受泰和人天啓二年以御史巡鹽河東酌量預報裁省
添搭刪灘地蘆價清護池侵地取回苦池租銀作餉募兵
又有修學甃城諸政

李日宣吉水人天啓三年以御史巡鹽河東修八政橋建弘
運書院於學宮旁

姜思睿字顯愚慈谿人天啓二年進士爲御史視河東鹽政
安邑有故都御史曹于汴講學書院擴其堂廡祀卜子夏
王通薛瑄其中以于汴配置田構舍公餘親蒞講授

張潑樂陵人進士天啓間巡鹽時有窮商五十餘家立豁其課杜超掣緩預報一切繁費悉行裁省懲積牙之蠹葬無主之殍報竣後尙留金糶穀幾四千石以備災荒最遺惠者朝議加課潑特疏痛陳商苦獲免去之日商民遮道泣送

陳廷謨成安進士崇禎間巡鹽甫銜命入境卽禁班迎鋪設之擾在任禁劣採親課程清衙蠹調課額俱有成效丁艱歸民立去思碑

王與孕新城進士崇禎間巡鹽寬嚴互用奸宄屏跡革勒民撈採以塞弊竇恤壓待商人以蘇子遺會流賊近城孕素得民心且執法不貸協力堵防運城無恙

楊繩武彌勒進士崇禎間巡鹽政持大體凡事游刃而解不假手於左右劾貪吏招逃商又特疏民間疾苦乞免包差之累賑饑民養貧士捐俸贖以葺文廟池神廟表忠祠極重武備修城練兵殆無虛日聞秦寇逼河躬率士卒沿河堵防民賴以安去之日行李蕭然商民無不嘆泣

楊鶚武陵人進士崇禎間巡鹽時連值歲歉糴米於太汾秦渭徧給窮民又築敵臺增新兵河南土寇崔惟一聞風潰散又置田贍士以資四民之無告者

盧友竹崇禎間運司同知清潔不染攝總司篆痛革陋規禁衙役覆隱匿又增兵濬濠爲城守計臨機應變調度有法

國朝

李因之山東長山人順治五年以官監任河東鹽運司副使清正率屬手不名一錢姜逆之亂殉運城

山西通志 卷八十六
贈布政司叅議祀忠烈祠

王存鏊山東邱縣人順治五年以選貢任河東鹽運司知事
姜逆之亂與運使李運同鄭誓死殉城不爲賊辱時稱三
烈

贈布政司照磨祀忠烈祠

鄭弘圖遼東人順治六年以國學生任河東鹽運司運同甫
涖任值姜逆之亂登陴力守城破死之

贈布政司叅政祀忠烈祠

張鵬翮字運青四川遂寧人康熙二十四年以進士累官河
東都轉運運使性清介聞人言貨賄輒厲聲叱之不少假
而於鹽政利弊批卻導窾具得要領嘗上議巡鹽使者力
請豁免加課略謂河東諸商築畦晒鹽出場販賣僅與淮

浙竈戶同科近日懷慶六邑又歸長蘆地勢旣狹辦納尤
艱今四海昇平大兵盡撤所有軍興以來每引增銀五分
應照部文題請停止至加增七分原因淮浙割沒之例謂
每引加鹽二十五斤應入正額按時徵收但時勢旣別張
弛宜異淮浙利於鹽多河東利於鹽少故初奉部行諸商
卽請認課不願加鹽且割沒之說原以示罰河東山路崎
嶇轉運最難驢馱車載半出人力非若淮浙順風揚帆一
瀉千里舳艫相接便於夾帶也並請題豁以甦困苦李御
史時謙深嘉之亟繕疏上請獲免新加五分閱數年郝御
史惟謙屢陳乞並免加增七分商民胥頌

皇恩焉鵬翮嘗念己丑之役督築城隍甃甃四面爲運城根
本其功尤稱俊偉涖任三年清望著聞擢京卿以去

郝惟謙直隸霸州人康熙二十八年以御史巡視河東鹽政
時護池渠堰亟修亟圯民力敝於濬築又前准淮浙例課
鹽並加商以引浮於丁鹽多壅滯不願加鹽請輸課如令
甲前院採運使張議入告惟謙復屢疏陳乞曰包課之情
可矜包課之勢難繼若此日浮徵不豁將他日正額必虧
必獲請乃已復立按丁分工之法縣夫幾挑築渠堰幾并
袤廣高深胥釐畫分工訖各登其名於籍後有塌毀輒按
名令修築人胥以爲便因疏諸朝俾永爲遵守

山西通志卷第八十六



